

ልእኮታት አሰናይ ልተላሌ ህለ



ሚርሐት ናይላ ትፈናተየ ድወል፡ ሕኩማት፡ መዝገማት፡ መፈወድያት ወመሓብር እብ መናሰበት 35ይት ሰነት ዓ.ድ ሕርየት ኤረትሮፕ አሰክ ሕኩመት ወሽዑብ ኤረትሮፕ ልእኮታት አሰናይ ነደኦ።

ርኢስ አሚሪክ ዶናልድ ራምፕ፡ ርምፕ፡ ርምፕ ምጅልስ ሰያደት ሱዳን ጀነራል ዐብደልገብ አልቡርሃን፡ ርኢስ ጅምሁርየት ጫድ መሃማት እድሪስ ደብዳቤ ኢትዮ፡ ርኢስ ህንድ ድፋፓዲ ሙርሙ፡ ርኢስ ጅምሁርየት ማላዊ ፕሮፌሰር አርቱን ፒተር ሙታሪካ፡ መልክ ቻርለስ ናይ ብሪጣንያ፡ ርኢስ ፈደራልየት ጅምሁርየት ጀርመን ፍራንክ-ቫልተር ስተይንመየር፡ መልክ ሰዊድን ካርል 16ይ ጉሰታቭ፡ ርኢስ ሞንጎልያ ኡኻና ኹረልሱኻ፡ ርኢስ ፈደራሽን ፋሰየ ቫላድሚር ፑቲን፡ ርኢስ ጅምሁርየት ዛምቢያ ሃኪምደ ሂቼሌማ፡ ርኢስ ጅምሁርየት ስሪላንካ አኑራ ኩማራ፡ መልክ ኡርዱን ዐብዱላሂ ካልአይ፡ ርኢስ ጅምሁርየት ክሮኤሽየ ዞራን ሚላኖቪች፡ ርኢስ ፈደራሽን ሰዊስ ጋይ ፓርመሊ፡ ርኢስ ጅምሁርየት ሲንጋፖር ታርማን ቫንሙ ጋራትናም፡ ርኢስ ፈለስጤን ማሕሙድ ዐባሴ፡ አሚን ግም መዝገማት ምጅልስ ቅራን አንቶንዮ ጉተረሽ፡ ርኢስ ጅምሁርየት ኢጣልየ ሰርጆ ማታራላን ርኢስ ፈደራሽን ብራዚል ሉላ ዳ ሲልቫ፡ ርኢስ መፈወድየት እተሓድ አፍሪቀ መሕሙድ ዐሊ ዩሱፍ፡ ርኢስ ጅምሁርየት ግብረት ሱዳን ሳልቫ ኪር ማይርዲት፡ ክምሰሁመ ርኢስ ደልወት ሊብየ ዶክተር መሓመድ ዩኑስ አልመንጌ እብ መናሰበት 35ይት ሰነት ዓ.ድ ሕርየት፡ አሰክ ሽዑብ ወሕኩመት ኤርትሮፕ ልእኮታት አሰናይ ነድኦ።

ለሚርሐት እብ ሰሚቶም፡ እብ ሰሚት ሽዑብ ወሕኩማቶም ዲብላ ነድኦ ወልእኮት፡ እግል ርኢስ ኢሰያስ ዓፍየት ታመት ወዲብ ሸቅሉ ዐውቴ፡ እግል ኤርትሮፕ ወሻዐበ ህይ ሰላም ወመሰከብት ሐቀለ ተምነው፡ ምሰል ኤርትሮፕ ዕላቀቶም እግል ትትወቀል ለዐም ምራድ ሸርሐው።

ርኢስ አሚሪክ ዶናልድ ራምፕ ዲብ ልእኮታት፡ “እብ መናሰበት 35ይት ሰነት ሕርየት ኤርትሮፕ፡ እብ ሰሚቹ ወእብ ሰሚት ሽዑብ አሚሪክ “አሰናይ እትላ አብጽሑኩም” እብል። ኤማን ወከህለት ሽዑብ ኤርትሮፕ ክምሰሁመ እግል ሰያደት ወጠወን ለብኩ፡ መትሰላል፡ ሕሽመቹ ወመትዐጃብዬ እሸራሕ።

ርኢስ ትራምፕ እንዲ አትሉ፡ “ክመ ደግም ዲብላ ነድኦክወ ርሳላት ለሸረሐክወ፡ ለሐልፊ ዘመን ዓጻትን ህይባሙ ሰበት ህሌ፡ ገጽ ቀደም እግል ነአሳድር፡ ክምሰሁመ እግል ናይ ሕበር ሰላም ወተጠውር መንጠቀት ቀር-አፍሪቀ ወበሐር-ቀያሕ እብ ሕበር እግል ንክደም ለናሰብ ወቅት አዜ እንዲ ገብአ ልትሰምዒ” ቤል።

ረሰሚ 35ይት ዓ.ድ ሕርየት እት አሰመረ እብ ነደረት ‘ተመ

ረሰሚ 35ይ ዓ.ድ ሕርየት “ሰባትን ደማትን” እት ሐንቴለ ትብል ስቅራት ዮም 25 ግዮ ዲብ ስታድዩም አሰመረ እብ ሐበን ዛይድ ተመ።

ዲብላ እብ አሴራር ሕሽመት ለተሌት ሰላም እግል ርኢስ ኢሰያስ አፈርቂ ወዝክረት ሹሀደ ለአንበተት ሰርዐት፡ በዐል መንበር ወዋየንያይት ለጅንት ዓያድ ሰፊር ዘመዴ ተክሌ ከሊመት አሰመዐ። እተ ከሊመቲ፡ እት ዐድ ወካርጅ እግል ሕሽመት ምዕል ሕርየት ለገብአ በራምጅ እንዲ ሐመደ ብዙሕ አውረሐት ለነሰአ አዳላይ በርናመጅ ርማም ዓ.ድ ሕርየት እግል ለአግምሎ ለሻረከው ወለአውቀው ሐመደ።

ርኢስ ኢሰያስ አፈውርቂ እተ ምዕል ቃልየት ዲብላ አሰመዐየ ከሊመት፡ እት ዐድ ወካርጅ ለህለ ምሕርባይ ሸዑብ ኤረትሮፕ ወፊተቹ ገባይል ሙናድል አሰናይን ቤል። ክምሰሁመ፡ እግል ግርመት እለ ምዕል ለትዳለ ለትፈናተ ጸበዋ ለአትመቃረሐው ወልእኮታት አሰናይ ለነድኦው ሐመደ። እተ ሐልፈየ 35 ሰነት ጸብኢት፡ ጆር ወክይናት ብዙሕ እግል ጋብሆት ለትደፈዐ እስትሸሃድ፡ ምሰል



ክምኩም ጸገም ዐማር እንዲ ወሰክከ ልትረኤ እት ሀሌ፡ ክል ሰነት ለገብአ ዓ.ድ፡ ዕለ ሄራር ወልእኮት ዐማር ወጠን ናይ አግማም ክምቲ ሸርሐ። እስትቅላል ወሰያደት፡ መቅሬሕ ወቀሎት ምድር እብ አተላላይ እት ልፈሰስ ክም ገይስ ለሀድግ ርኢስ ኢሰያሱ ለመናሰበት ሄራርን እንዲ ጌመምን መርበይን እንዲ አተበትን ሸቅልን እግል ነአሰፊ ቀደም ለነትል ክምቲ አፍሀመ። ቴለል ዐለም፡ ቃረትን ወመንጠቀትን

ለከሰስ ሙብርሂ ሐቀለ ሀቤ፡ እት ዐድ ለገብአ ሄራር ዐቦት ክም ለአተላላይ፡ እት ማይ፡ ሐርሱ፡ መዋሰላት፡ ክህረበት ወ ኡብያት ሰከን ለገብአ ወራታትመ ክም ልትሻፈግ አተንበሀ። ፋርስ ወክሃል ሸዑብ ወቅዋት ድፋዑ እት ሀለው ዐማር ወጠን ሰርጉል ክም ገብአ ሀይ ደማንቲ አከደ። ታምም ጸበዋ ኪለማት ርኢስ ኢሰያስ ወሰፊር ዘመዴ እት ገጽ 2 ሀለ . . .

ዓ.ድ ሕርየት እት ውዛረት ካርጅየት



ውዛረት ካርጅየት እት ዮም 20 ግዮ ዲብ አሰመረ፡ ውዛራእ ለብእቶም ውቁላም ሰብ መዝ ሕኩመት ወጀብሀት፡ ዲብ ኤረትሮፕ ለመርከዞም ሱፊራእ ዲፕሎማሲዮን፡ ወብዕዳም ዐዙመት ለገብአት እግሎም ለሐድረው ዲቡ እሕትፋል ወዴት። ውዛር ዐሰማን ሳሌሕ ዲብ አሰመዐየ ከሊመት፡ ሽዑብ ኤረትሮፕ ቀደም ሕርየት ዲብ ሐልፈየ 35 ሰነት ዐማር ወክፋሕ፡ እብላ እግል ሀለየት ደውለት ኤረትሮፕ

ለልትቃወም ዐገል ለልተብዎ ቅዋት ካርጅ፡ ወከደም ላቶም አንዝመት መሐባልክ ክቡድ ምንመ ረኤ፡ እብ ኤማት ወእብ መዐጸሙ ናይ ዐማር በራምጅ እንዲ ኢልትካረም፡ እብ ሰባተት፡ ዐዳለት እጅትማዕየት ወመተንካብ እት ናሰ ዲብ ሄራር አከደት ደማንት ነብረ፡ አትዳለየት ብንየት ተሕትየት ወመዲድ ከደማት እጅትማዕየት ሰኔ ክም ትቀደመ ሸርሐ። ኤረትሮፕ ምን ተሐረረተ፡ ዲብ ምሰንዮት ሰኔት፡ ሐሸዋት ሕድ ወናይ ሕበር መናፍዕት ለተአከደ ናይ መትሰዳዳይ ስትራተጂ እንዲ

ትኸጠጠ፡ ውሕደት ምልክየት ወሰያደት አግዋር ለለሕሸም፡ መትሰዳዳይ ምሰንዮት ወሸራከት ለዕላመቲ ዐገል ካርጅ እንዲ ተሌት፡ ሰላም ወመሰከብት መንጠቀትን ወእዲን ዲብላ ለአሻፍግ ወቤንያይ ዲፕሎማሲ ክሰእት ክም ህሌት አፍሀመ። ለህሌን ዲብ መርሐለት፡ ድድ ኤረትሮፕ ወሸዐበ ለተሐበክ ከይናት እብ ውሕደት ሽዑብ ወሕኩመት እንዲ ጀግራ፡ ኤረትሮፕ ተምሳል አማን ወቤንያይ ደረ ዲብ መሰከብት መንጠቀት ወእዲን እግል ዐለም ባይን እለ ክም ሀለ አፍሀመ።



ከሊመቻ ርኢስ ኢሳይያስ አፍወርቂ፡ እት ረሰሚ 35^{ይት} ዓድ ሕርየት

ሓይላም ወሓይላት፤

እግል ምሕርባይ ሸዕብ ኤረትርየ፡ እት ቀበት ዐድ ወእዲኑ፡ ምሰል ፈተቹ መናድል ሸዕብ ዐለም፡ አሰናይ!

እት ክል ሐል፡ እግል እለ ካብረት ዕለት እት ልትፈናተ ድቀራት ወእብ ለትፈናተ ጽበዋ ለከመው ወልእኩታት አሰናይ ለነድአው ሐምዶ ዛይደት ትብጸሐም።

እብ ምስትንክራት ንዓል ሕርየት ወእስትሸሃድ 50 ሰነት ሌጠ እንዴ ኢጉብእ፡ እተ ሐልፈዮ 35 ሰነት፡ ቅብላት ለትፈናተ ጸብኢታት ወሃጃም፡ እት መጋብሀት ለትደፈዐ እስትሸሃድ፡ ምሰል ለትመሳነ ንዓል ዐማር እንዴ ሓበርከ ዶል ልትረኢ፡ ክል ሰነት ለልትዘከር ዓድ፡ ምክያል ሄራር ወመትቀዳም ሀደፍ ብኸ ወጠን አጅያል ቱ። ሕርየት ወሰያደት፡ ውሕደት ወሕሸመት-ምድር፡ እብ ትሉሉይ እት ለዐምብብ ለልትጠወር ቴለል ሰበት ቱ። ማሌ እተዮ ዐል፡ ዮም ዲብ እየ በጽሐነ ወእት ሙሉተቅበል ህዬ፡ እት እንብል ርሕነ ለንትሰክል ዲብ መናሰበት ቱ። ሄራርነ እብ ተአሰትህል እት እንቀይም፡ ምን ተጃርብን ዲብ እንደርሱ፡ ትልም ሸቅልን እግል ነአሰፈ ለሰዴ ቱ። ሐበን ወሕሸመት እግል ሸዕብ ኤረትርየ ወሸብላህ።

ወጠንያይ ተዮልልነ ወተጠውራቱ፡ ምነ ናሰነ ወገባይል እዲነ ለልታከው እድንያይ ንዛም ዐድል፡ ናይ መንጠቀት ሕሸመት ሕድ፡ መሰከብት፡ መትሳዳይ፡ ውሕደት ወሸርከት ሕበር እንዴ ትፈንተ ሰበት ኢልትረኢ፡ ናይ እዲነ ወመንጠቀት ቅያሱ፡ እብ ርኢይ መራጃዕ ወቃራን እግል ነአምሩ ወንፍሀው ዋጅብ ቱ።

ሓይላም ወሓይላት!

ምሰል ፍንቲቱ ወለእሙር መራሕል ሚዛን አሚሪክ፡ ካልኣይ አቅብሎት ርኢስ ትራምፕ እት “ቤት-ጸዕዳ” ክም መፍሀም እትጃህ ምር፡ መገሰ ሰያላቱ ወመካይዱ ወለልሐድጉ ሸረገርብ ምን ጽባብሐ ሐሰቡ ካድም ትራምፕ ክም ለአትሐዘዩ ደግሞ እት 34ይ ዓድ ሕርየትን እትንበህ ዐልጹ። ናይ ተቅዩም መራጃዕ እንዴ ረተብኩ፡ እሰባታት ዲብ ተአክአልል፡ እንዴ አትሳኔክ ርእዮቱ ወጸቢው ላኪን፡ ለዛህረት ክብድት ወለትሐባለክት ሰበት ወድዮ፡ ንሁፍ መክለሲታት ምን ህዩብ ሰብር ተአትሐዘ።

እግል ዕልንት ሰቅራት “ማጋ” ናይ ትራምፕ ወተርጀመተ ዶል እንረኢ፡ ለተንክር አርእስ እንዴ ረተብከ (ተጃረት ፍገራት ሰናዕት፡ ፍድብ ቱክፍሎጃ፡ ቅወት ዐስከርየት፡ ክሎሊት ተእሰር ወብዕድ...)፡ እት ተእሪካይ ሄራር አሚሪክ ወክሱሰን ህዩ እት መደት ሐርብ ብሩድ ናይል ሐልፈ ዘበን በራደሆት ‘አርት-ቅጥብ’ እንዴ አቴክ፡ ናይ ምስተቅበል መርበዩ እግል ትድሌ

ወትፍሀም ምህም ጋርቱ።

እት እቅትሳድ፡ አርዛቅ ጠቢዐት ወዘያድ ኩሉ ህዩ እት ሰነዮት፡ ሸቅዩት ወረኪብ-ክብር ምን ንትወለብ፡ አትሳዳይ ማል ናይል ትሉሉት እዳራት ዋሺንግተን እት ረኢሰል ከመረቱ ዲን፡ እብ ቃነ “ዕመም ወዘመት”፡ መናሰባት ታሪክ እብ ከልቀዩ እሎም አብካት ለዋተደዉ እቅትሳድ ወሀይመነት ማል እንዴ አንተሀዘው፡ (“ክም ናይነ ሐንገል ወምህዞ አለቡ፡ ለብዕዳም ነግሉት ሌጣ ቶም” ለልብል ፍክር ባለ እንዴ ነሰአው)፡ ቅወት በሸር ናይል ብዕድ ድሀር ገባይል ጀላብ እግል ልጭመም - አግደ ዲብ ካቲሙ ሐርብ ብሩድ ለትረኢ ፍክር “አግግገዘ-መሳኔዕ ” ለሰበዩ መትደላል እቅትሳድ ቀሊል ዮለ። ልትገምቤ ለዐለ ናይ 30 ትራልዮን ዶላር ዕዳይ ዋሺንግተን፡ ዮመቴ አሰክ 40 ትራልዮን ለዐርግ ሀለዮቱመ፡ ሰመዕ በሰር ቱ።

ትራምፕ፡ እግል ሀገጋይ ምን ለአመ እቡ ሰኒ ምንማ ቱ፡ ክም ትንቱን ወአትናሳር ልተብዑ ለሀለ ከዋዋት አትናቃሰ ከሳይር፡ አትሐሳሳይ ወበለሰ ናይል ገዘ መሳኔዕ ወእስትሰማሩ፡ ወሰኑት ጀማርክ፡ አንቀሶት ጥልበት ቀበት ዐዳ፡ ዘሚት ለኢመትረክብ መዓድን፡ ሐለት ወታዋት ወአትፋርሆት፡ ክሰክት ፈዳቢት እት ዲፕሎማሲየት ወደዓያት፡ እግል ለአሸቄክ ቀድር ገብእ? እተዮ ወምሰል ምን?

እዴ ዛይደት ናይ ቴክኖሎጂ AI እንዴ ሓበርክ፡ ቁሪነ ለቡ እንትብህ ወአትቃማት ምንመ ለአትሐዘዩ፡ አሰክ እለ እት ዋሺንግተን ለህሌት ሚዘት ለልአርኤ ኢኮን።

እት ዐስከርያይት ሐለት ህዩ? ለሃግግ ሸክል ኔቶ እንዴ ኢትአቀምት፡ እብ ትያትርታት ፋሻት፡ ተህዲታት፡ ድሂክ ወቀቲል ናይል ሕንክታታት ሕየል ገባይል፡ አብዘሐት ጽዋር ኒክሌር፡ ድርናት ወሚሳይላትን ሌጠ ለልትቀየሰ ክም ኢኮን፡ ለናይ 20 ክፈል ዘበን ዐስከርያይ ተእሪካት ሕያይ ወናሱ ለልሸህድ ቱ።

ክሎሊት ተእሰር ለክሰሱ ደግሞ ለትጠለቀ መገፈሓት “ግሪንላንድ”፡ “ካናዳ”፡ “ሚክሶ”፡ “ኩባ” ወብዕድ ዲብ ትብል፡ እብ አርዛቅ ጠቢዐት ቱ። እብ ጀግራፍ፡ ክሎሊት-ተእሰር ቱ፡ ወለዜነት ‘ግል ትርክብ’ ሸረገርቡ ህዩ፡ ሚ እግል ልምሰል ቀድር፡ እግል ትፍሀው ተቅዩም ለኢሊሐዘ ሰብር ለጠልብ ቱ።

ሓይላም ወሓይላት፤

ምነ መገፈሓት ወኪንመ፡ ምነ ናይ ደግሞ ቅደይ ሸቀላት፡ ናይ ሼኒዘዌለ ወኢራን ክም መሰል ምን እንረኢ እኩይ ኢኮን። እት አሚሪካታት ለትብረ ወለሀለ ዕዳጋታት ሐሸሸ ታሪክ ሕክዩቱ ብዘሐቱ፡ ሼኒዘዌለ እተዮ ትትረተብ፡ ማዳሪ ህዩ ሚ ዶር ዐለ እግሉ? እብ እድንያይ ቃኑን እግል ልትሸኬ ዐለት እሉ ምን

ገብእ፡ እግልሚ እብ ምስዳር እዳረት አሚሪክ ልትነሰእ? እብ አማን ህዩ ሼኒዘዌለ እት አሚሪክ ርዕብ ለትሰብብ ተ? እብ ከፎ? ማዳሪ ህዩ ክም ፈርድ እት አምን አሚሪክ ፈርሀት ለክልቅ ዐለ ገብእ? ወለ ዐመልየት ቀየዶት እግል ምሰምሰ አጃንዳት ብዕድ፡ ፍዘ ለትወዴ ዐለት፤ በለሰ አሰክ ልትረከብ እሉ ሰብር ሌጠ።

ኢራን

በራምጅ ነወዌ ኢራን፡ እት መአንበት 70ታት፡ እት መደት ሕክም ሻህ ለአንበታ ቱ፡ እብ ሰደይት ወአትሻካት መን ናዩ በለሰ ሀለ እግሉ፡ ሐቆ ሰነት 1979 ከፎ ክም ትጠወራ’መ ቅብቱ ረያም ቱ፡ ምሰል እለ እት ኢራን ፍሩድ ለሀለ ሐርብ ላኪን፡ በለሰ ለልሐዘ ሰኣላት ምህም ሀለ። በራምጅ ነወዌ ለበን ድወል እሰወን ተን? አሰለሕ ነወዌ እብ ኩሉ አጅናሱ ለበን ለሸቅዩ ድወል፡ ከረ ምን ተን? እብ እሰወ ሕቁቅ መልካህ ወምን ሰምሐ እለን ከአፍረሆ? እግልሚ ቱ ኢራን እብ በይነ ትትመነዕ? እብ አማን ህዩ ኢራን ፈርሀት አሚርካ ተ ገብእ? አሚሪክ በይነ ህጃም እግል ተሀርሰ ህዩ ሚ ቅረዲት ህሌት እለ? ሆርሙዝ መትደብኦቱ አሰባቡ እንዴ ኢትርኤ፡ ምሰል መንጠቀት ወእዲነ ለገይሰ ተዮልል እንዴ ሀረሰክ ጸሚድ ለልሐዘ ቱ። ስሐት ሐሰብ ለደረከዩ፡ ስትራተጅያይ ጌገ ክም ዐለ፡ ለልአትሸክክ ጋርመ ኢኮን። ምሰል ኩሉ ለእሙር አዛሁ ህዩ እግል ልብጠር ለቡ ነዐር ቱ።

ሓይላም ወሓይላት!

ምሰል ምጸት ትራምፕ፡ ለዐለነዩ ሰያላት፡ ለነሰአዩ ከዋዋት፡ አግደ ህዩ እተ ካልእ ውካን ሰልጠቱ ዲብ ቤት-ጸዕደ ለአተዮ፡ ሰነት ወሰር ዋዲ ወክልኦት ሐል ታርፋ ሀለ። ትራምፕ ጸብጡ ለዐለ ቅደይ ከፎ እግል ልትጠወርቱ? ምሰል አርቡ ቻይና፡ ሩሲያ፡ ህንድ፡ ምግባይ ምፍጋር ጸሓይ፡ አሰያ፡ ላቲን አሚሪክ፡ አፍሪቃ፡ ድወል እብ በንበነን ወምሰል፡ እት ለትፈናተ አርእሱ፡ ከፎ ጸምድ፡ ፍገራት ሕበር ናይል ታርፍ ሀለ 30 ወርሕ ህዩ ራዳራት እንዴ ዋተድክ እት ክል ሳዐት ራቀቦት እት አካኑ እት ሀለ፡ ሚ ሕር በደለ እግል ልትሐሰብ ቀድር?

እትሉ እግል ንትዐደዩ ለአለብን ጋር፡ ትራምፕ እብ በኑ አትዐገቦት ሌጠ ካሬ ኢኮን። ለጌጋታት እት ልርእዉ ለአትመቃርሐዉ ለሀለውመ፡ ትራምፕ እግል ለአትጌት ወዲብ ክጠረት ልቃምዶ ለልትሸንሆ “ተእሰር ብን” ለልብሎ ጀሃትመ ክም ሀለው አመሮት ለአትሐዘ።

ክም አተላላይ ሰዋልፍ ንዓል ተሕሪር ሸዕብ አርትርየ እግል መትፋቀዲ፡ እት መዘመት መጅልስ ቅራን ለቀደምናሁ፡ እግል ልውሰዕ ወልትረሸድ ለቀድር፡



እግል መርበይ ለሰዴ ፍክር ክእነ ለተሌ ዐለ።

እብ ግዕባቡ፡ ድቁባት ወሐዋንያት ለልሃርሳሁ አጃንዳት እብ ከአፎ ተምትመነ ለልብልመ፡ ምን ቃልስ እንዴ ኢጉብእ፡ እብ ናሴሕ በገሱ፡ እት አሳሰያይ ቅዩም ለትነደቀ አፍካር ወስትራተጃ እንዴ ተለምክ አሴራር፡ ለሐይሱ አለቡ።

ምነ ገባይል ለጃረግ ቡ ባለ ንዛም እዲነ መትባልሐት፡ ላዘም ድኢኮን ሕርያን ወለት ገበይ ኢኮን። ሕር ዐዳጋታት ወተጃረት ለአለቡ፡ አትመቃርሐት ርዘቅ ወእተይ ለአለቡ፡ ናይ ማል መአሰሳት ዘማቴ ለደይሩ፡ ከሳር ለትወልድ ዘሚት፡ አተላላይ ግብርነት እስትዕማር ላቱ ንዛም ባለ እግል ልትወርኬ ቡ። እት አካኑ ህዩ ሐዲስ ናይ ዐዳለት ንዛም ዐለም አንገሶት ህዩ፡ ለኢልትሐደግ ሀደፍ ውላድ አዳም ቱ። ለህሌናህ መርሐለት ህዩ ምነ ባለ ንዛም ዐለም እተ ሐዲስ ንዛም መዐደዩት ሰበት ቱ፡ ክም አተላላይ ሕሸሞታት ንዓል ሸዕብ ኤረትርየ፡ እግል አትፋቃድ እት 80 መ-አተመር መዘመት መጅልስ ቅራን ክመ ለቀደምናሁ፡ እግል ልርሐብ ወልትረሸድ ለቡ አፍካር ክእነ ተሌ ዐለ።

- አዳም፡ ናይ አርዛቅ እቅትሳዳ ወእተይ ለሀበት ሸቅሉ እብ ዐዳለት እንዴ መልኩ ርዘቅ እት ለአክአልል፡ እት ዳይመት ናይ አጅያል ዐቦት ወረሀየት እግል ልሄርር፡

- ረሀየት ወዐቦት እግል ልትደመኑ፡ ሰላም ወመሰከብት አምጽኦት

- ሰላም ወመሰከብት እግል ልንገሱ፡ ዐዳለት አክዶት

- ለረሐበት እድንያይት ወናይ መንጠቀት ሰላም ወመሰከብት ዐቦት ሕበር እግል ደርዶት ህዩ፡ ሕሸመት፡ ውሕደት ወአታማም እግል ሕድ እግል ለሀሌ

- እግል እለ አሳሰያይ መዋቅፍ ንዩት ውላድ አዳም ለዋሌ ቃኑናይ ህይክል በሰር (መካኒዘም) ወቲድ።

ወርከዮትለ ንዛም ባለ ወወቲድ ሐዲስ ንዛም፡ እግል ኩሎም ውላድ

አዳም ለክሰሰ ምንማ ቱ፡ ክሰሰን እግል እብ ክሳር ምን እዴ ዲብ አፍ ለልትናበር አወላይ አረይ ናይል እንትሃዘ ዘማቴ ላቱ ገባይል አፍሪቃ ከሰሱ። ሰበት እለ ቱ አፍሪቃ ወመናጥቀ፡ እት ቀበትለ ረሓብ መርሐለት እዲነ ናይ ኖሰ መ’ታማይ ስትራተጃ እንዴ ኤተነት፡ ስታቲባተ እንዴ አትናደፈት እግል ትናድል ለወጅብ። ምን መዘመት እትሓድ አፍሪቃ ለትዐዳት ቡ አግደ አሰባብመ እለ ዐለ። ውሕደት አፍሪቃ፡ መጦርለ ወክድ ለጠልቡ ሀደፍ ሐቆመ የአሳደረ፡ መትቀራራብ እግል ለህሌ እለ ኢኮን። ሰበት እለ ቱ፡ እት ቀበት አፍሪቃ ኖሰነ ለትሀሌ እግልን መጋብሀት ምስንዮት፡ እግል ትደቀብ ወትሐሰሴ ለወጅብ።

እት ገወውርነ ህዩ፡ ደግሞ መዳንን ኒል፡ ቀር-አፍሪቃ፡ በሐር ቀየሱ፡ ወከለጅ፡ ናይ ሱዳን ወአቶብዩ እብ ፍንቲይ ሃድግ ዐልጹ። እድንያይ ተአሰር ናይል ገወውር፡ ምሰል እለ ኢዘ እት ሀርምዘ ሱዳፍ ለሀለ አዘማት፡ ዘያደት ዋዴሕ ሰበት ሀለ፡ ንተበዐ ለጸንሐነ ምሰል ለገአት እድንያይት ወናይ መንጠቀት ቅወት ላዋሽ እደይ ለአለቡ፡ እብ ውዑል ድወል ግግሬ ለቁመ፡ ናይ መንገፎ ሕበር (collective security) አልዩት ምን ኢትገብእ፡ ብዕድ ለገአ በዲል “ሰዳይት-ድንኪክ” ክም ኢኮን። ዘያደት ዋዴሕ ሀለ። እብ ደቅብ እግል ልትከደም ዲብ ህዩ ወክዱ ኢዘ ቱ።

ሓይላም ወሓይላት፤

ምን ቅሩብ ለንርእዩ አምዳር ግግሬ ላኪን፡ ቀር አፍሪቃ ቱ። እትሉ ለሐልፈ ሰናታት ሕርየት መሰከብት ናይል መንጠቀት እግል ዐማር ጀላብ እግል ትጣፈሐ፡ ምን ኢጋድ ሰቦት፡ እት ኢጋድ ዐማር እግል ዐደዮት፡ ወአደቃቡ ለወዴናሁ ጸገም ኢትዐወተ። እት ሰማል፡ አቶብያ፡ ሱዳን ወግብለት ሱዳን ለሀለ ተዮልል ለልአሰፍ ቱ። ዘያድ ጅሀድ ወሕሰር ክም ለአትሐዘዩ ህዩ ዋዴሕ ጋርቱ። ለምሸክለት ሚ ተ ገብእ?

ዲብ ገጽ 6 ልተላለ

መረብ፡ ዲብሊ ናይ ደንጎብ አምዒላት

ሓይላም ቁርኣት እለ “መረብ ዲብሊ ናይ ደንጎብ አምዒላት” እብ ልብል ዕንዋን ነፈር ሆንደሰት ዐስከርየት ለዐለ ምናድል ሰለሙን ንጉሴ ዲብሊ ቅሰሰ ተጃርብ ንዓል ለልብል ክታብ ካቲመ ለከትብዩ ቅሰት አማን ተ። ከእንዲ ተርጀምን እንቀድመ እኩም። እግል ዮም 3ይ ክፋል ታብዮ።

ሓድጉ ሀብቱገርግሽ (ኮምረድ) አሰመላሽ ጎይትአም፡ ምን አሰልፍ እሰራኡልዩን ዲብ ደቀምሐሬ እብ ምዳድ ዐሳባት ተድራብ ዐስከሪ ለደረበምም ኮማንዶስ ለዐለው ቶም። ዲብ ሰነት 1974 ላኪን፡ እግላ ንዛም ተረግ እንዲ አበለው ጀላብ እስትቅላል ዐደም እግል ልናድሎ ወአርወሐቶም እግል ልሰብሎ ሚዳን ፈግረው። አሰመላሽ ዲብ ጀብሀት ተሕሪር ኤረትርዮ ናድል እት ህለ፡ ኮምረድ ህይ እት ጀብሀት ሽዕብየት ፈግረ። ክለ ሐረከቶም ወግያሰ እገርም ተድራብ ዐስከሪ ለጸግበው ክምሰልቱ ለሐብር። ምን አቅመቶት ዕንቶም አስክ መባልሰ ህግያሆም ክሉ ረአሱ ዐስከሪቱ። እት ረአሰ እለ መ እብ ረዩም ተጃርብ ንዓል ለበሽለው ገዳይም ምናድሊን ቶም። ዲብ ሰብዒናት አሰመላሽ ዲብ ለትፈናተ መዐሳክር አቶብዩ ሰርጉል ህጃማት ዐስከሪ እንዲ ወደ፡ ዲብ ጀብሀት ተሕሪር እሙር ቃእድ ዲብ እግል ልግበእ ለቀድራቱ። ዲብ ሰነት 1977 እግል ራመ ወመንደፈረ ለጸብጠት ናይ አሰመላሽ ቦጦሎኒ ዐለት። አሰመላሽ፡ እግል ወቅት ረዩም ዲብ እለ ባካት እለ ዕስከር ሰበት ዐለ ናይላ ባካት አምር ሰኒ ዐለ እግሉ።

ዲብ ዮም 20 ማዮ 1991 ላለ፡ መካይን ዐባዩ ራመ እንዲ በጽሐዩ ግሪ አቅበለዩ። ፈጅራተ ብዝሓም ምናድሊን ምን ራመ እንዲ ትብገሰው፡ ምድር ክምሰል ጸብሐ አስክ መዐስከርን ገጸም እት መጽአ ምን ቅብላት ረኤናሆም። ዲብ ምግባም ምር በዐል ሰኔት ብግረት፡ ጭገሩ እብ ዋጅብ ለትመቀሰ ድግድገ፡ ፍሌንዮት ምስል ርደ ለሰብሰ፡ ምን መልሂቱ ምን ቅብላት ዝያደት ልትረኤ ዐለ። “አሰመላሽ ጎይትአም ቃእድ ዲብ መሐሊ ምውዳቅ ጸሓይቱ!” ቤለ ቃእድ መጅመ-ዐት መለሀይ ሸቦድብድ። ለመጽሓብ ዐለው አሰመላሽ ደባሳይ ወወዲባሻይ ምስል ቅያደት ቦጦሎኒታት ዲብ መሐሊ ምውዳቅ ጸሓይ እብ ሕብርቶም።

ሓድጉ ሀብቱገርግሽ (ኮምረድ) ምን ባርንቶ አስክ ባካት መረብ ማጽእ ክምሰል ህለ ሳሌቱ ለሐበራ። ኮምረድ፡ ካቤላት ዐስከርየት ኢፈንጌቱ። ለክምክምት ዕንዳቁሁ ምስል ግርም ለበሰቱ ዝያደት ክሉ ግርመት ለሀይቡ። ዮም 21 ማዮ ጽብሕ ምድር

ዲብ መረብ ዕስኩራም ለዐልነ አንፋር ሆንደሰት ወሰለሉ፡ እብ ሰበት ቴለል አባይ ወመዐስከራቱ ለዐለ እግልን ፈሆም እግል ቅያደት ዲብ መሐሊ ሰኒ እንዲ ወዲን ሐብርናሆም። አሰመላሽ ለአንሴነ እንዲ ዐለ፡ “ክፍላይ ምን ቢንቶ መረብ ሸንክት ድገላብ አስክለ እብ ዐዲ በጊያ ለልትከሬ መሓዝ እንዲ ትነተልክ ጸብዮ። ወዲ ደብረጼን ህይ ጀሀት ድማን አስክ ቤተጠን። ክልኩም፡ ሳልሳይት እዲ ምን ቅወትኩም ራድኢት (ሪዘርቭ) ተአጸንሕው። ብዝሐ ዲብ እግል አትራዘቀት ለምን ድፈዕ ፈግረው አንፋር ‘ሐብ ፊ ተብ’ እንዲ ጸብዮኩም እብ ፋይሕ ክምሰል ጸብዮ ደው” እንዲ ቤለ መምራሕ ሀብዮም።

ብርሃኔ (ሳሌ) እብ ጀሀቱ፡ እግል አንፋር ሆንደሰት ሚ እግል ኒዲ ክምሰል ብክ መምራሕ ሀብ። ዲብ መዳሊት እት ሕነ ህይ፡ ቃእድ ፈሰሊት ጎይትአም (ቀበሌ) ምን ተድራብ እት ልትሸወር እንዲ መጽአ ተሓበረ እት።

ምድር ክምሰል ዐወድወደ፡ ዲብላ ንትመዬ እቱ ድፈዕነ መጽአ። ዲብ ድፍዓትን ክምሰል ልሙድ እንዲ ትካፈልን ንትሃጀክ እት ህሌነ ህይ፡ ለኢለአትካርም አንዋር መካይን ወደባብ እብ ሐርመት ዐዲ-ኮቶዮ እንዲ መጽአ ገጽ ግብሊት እብ ምክራይ ዲብ ልትከሬ ረኤን። ገሌ ምን ጅማዐትን ለአንዋር ናይላ መካይን እት ልርኡ ሐቱ፡ ክልኤ፡ ሰለስ ዲብ ልብሎ እግላ መካይን እግል ለዐለብ ጀረበው። ምናተ መብዘሐም ዐስርታት ክምሰል ዐለበው ዲብ ሕድ ሰበት ተሓበረ ምናም ዐለቦት እንዲ አትካረመው ክምሰል አዳሞም እግል ልትፈከር አምቡተው። መካይን አባይ እብ ዐዲ-ኮቶዮ አስክነ እምበል አትካራም መትሸዋሩ ለለአስክብ ደዐለ። መደጋግነ እግል ነአዚድ ዲብ መዐደይ መረብ ምቀደም እንዲ ገብእ ለታቤዕ ሐሸመት አትፈረር። እብ ምክራይ ዐዲ-ኮቶዮ ለደነ መካይን፡ ተሐት ክምሰል ትከረ፡ እብ ሰልሰለታይ አድብር ናይላ ድዋራት ሰበት ትወሐጠ፡ እብ ሐት-ሐቱ ሐወርም እንዲ ሐልፈ ተለል-ተለል ለልብል አንዋር ሌጠ እንረኤ ዐልነ። ክርን ናይላ መካይን ላኪን ምስል ሰልሰለታይ አድብር እንዲ ዳገሽ እብ ክልቀ ቃሎት እግላ ድዋራት በለሰዩ። ለመካይን ተሐት ክምሰል ትከረየ ዲብ ቀሪ አወድግ እንዲ ኢልትረኤ አስክነ ገጽ ዲብ ልጸገዕ ሰበት መጽአ ክርንቱ ዲብ ትደቀብ ንሰት። ሐቆ መደት ላኪን ክርንል ጀርጅር ለዐለ መካይን ምድር ክምሰል ጸብሐ እግል ልሀደእ አምቡተ። ክሉ ልትረኤ ለዐለ አዋይን ላኪን መብቅያይ ሰበት ገብእ ዕንታትን ሸም እንዲ ኢነአብል ምድር ያፈራጅ ቤለ።

ዒድ ሕርየት ዲብ አቃሊም እት አቃሊም ግብሊት በሐር ቀየሕ



ዮም 23 ማዮ ገጽ ፈጅር ሕክም አቃሊም ሰፊር መሐመድ-ሰዒድ መንታይ፡ ቃይድ ቅያደት ምፍጋር-እሐይ ብርጋዲር ጀነራል አብርሃም ዐንደም ወሱልግን ረሐይተ ዐብደልቃድር ዳውድ ለብእቶም ናይ ሕሸመት ዐዘመት ለገብአት እግሎም ለሻረከው ዲብ፡ እብ ብሎካት ለትካፈል ዕፌ አሴራር ዐስከርየት ቅዋት ድፋዕ ወቅዋት ፖሊሴ ዕፌ ጅላብ፡ ክምሰልሁመ ወራታት ዓዳት ወፈን እብ ከምከመ ጸብዮ ዲብ

ሐ'ረት ሚነት ዐሰብ እሕትፋል ረሰሚ ገብአ። ሰፊር መሐመድ-ሰዒድ መንታይ ዲብ አሰምዐዩ ከለመት፡ ረዩም ወመሪር ንዳልነ፡ ካቲማሁ ክም ሸብሰ ሕሸመት ወእስትቅላል አልበሴ፡ ዮም ዓመት ህይ ዲብ ለሐሰት መርሐለት ልትዐየድ ሰበት ህለ ፈርሐት ወሐበን ክም ወሰኬነ አብርሀ። መኡለት መመቅሐይት ልጅነት ዐያድ አሰይደ ሐወ መሐመድ

እብ ጀሀቱ፡ ሰኔን ናይ 30 እዳረት ዳሕዮት ምስል ዲብ ድዋርም ለህለዩ ውሕዳት ቅዋት ድፋዕ እብ ሕብር እብ ገማለት ክም ለዐዩዱ እንዲ ሸርሐት፡ እለ ህይ ለእግል ሕርየትን ወሰያደትን ለደፍዐናሁ ዐውል ወለብነ ሕሸመት ክም ሸፊሕ ሐበረት። እለ ክእነ ዲብ እንቱ፡ ሸብሰ እዳራት ዳሕዮት መዲነት ዐሰብ፡ እት ዮም 22 ማዮ ዳሳት መጅተማዕ እንዲ ወደ 35ይት ሰነት ዒድ ሕርየት እብ ገማለት ዐየደ።

ጋሽ-በርካ



ምን ዮም 17 ማዮ እንዲ አምቡተ እብ ለትፋናተ ጸብዮ ዲብ ምዲርያት ጋምል ለአሰማን ዝክረት 35 ዒድ ሕርየት፡ እብ ደረጀት አቃሊም እት ዮም 21 ማዮ ዲብ ባረንቶ እብ በራምጅ አሴራር ሸብሰ ወዐስከርየት ወትላህያታት ዓዳት እንዲ ትነየረ፡ ቀላየት ወተርጀመት ሕርየት፡ ፍሬ ኤማን ወለሀሌናህ

መርሐለት እብ ሸፊሕ ሐልዮት፡ አሸግር ወድራመ ተ'መ። ሐክም አቃሊም ጋሽ-በርካ ሰፊር መሕሙድ ዐሊ ሕሩይ፡ እት ቀደመዩ ከለመት፡ ዮም'መ ክም ዲመ፡ ዲብ ናይ ከርስ መቅደረት አዳምን ለተአሰሰ፡ እግል ኩሎም ምን ረዩም ወቅሩብ እግል ልምጽአ ለቀድሮ መታክል እግል ጋብሆት ለአልአቀድር፡ እማነት ሹሀደ ለልሐዋዋ ናይ

ሕብር ግድለ ክም ለአትሐዜ ሸርሐ። መሰኡል መመቅሐይት ልጅነት ዐያድ ናይላ አቃሊም አሰይድ እድሪስ ሳሌሕ እብ ጀሀቱ፡ ለገብእ መዳሊት-ርሐብ ወዶር ውቁል ናይ ሸብሰ እንዲ ሐመደ፡ ሸብሰ እብ እዳራት ዳሕዮት እንዲ ትነዘመ ለሐለፈዮን አሌላት ንዩራት ሐመደ።

ሰባትና ደማኑት!

ዲድ ሕርየት ዲብ አቃሊም



አቃሊም ግብለት፤

እብ ደረጃት አቃሊም ግብለት እት የም 22 ማዮ ዲብ ስታድዮም መዲነት መንደራረ ሰብ-ሰልጠት ሕክመት ወጀብህት ክምሰልሁመ ሰካን መዲነት መንደራረ ለሐድረው፡ እብ ማም ዕፌ ፈን ወሰርከሰ ለገረመ ዲድ ገብአ፡፡ ሐክም አቃሊም ግብለት አሰይድ ሃብተአብ ተሰፋጽዮን እተ አሰመዐየ ከሊመት፡ ሽዑብ ኤራትርዮ ዲብ ወጠት እንዴ ሰብተ፡ ክሉ ታላት ከይነት እንዴ ባተክ ሰደደቱ ወሀለዮት ክም አድመነ እንዴ

ሽርሐ፡ ቅየም ግድላነ ዲብ ጂል-ሐዲሰ ዐደዮቱ፤ ልጽናሕ እግልዬ ለኢልትብሀል ክምቱ ሽርሐ፡ እንዴ አትለ ሽዑብ ለትሳወ አርዛቅ ለረክብ እቡ አብነት እግል ልትከለቅ፡ እብ ዕጹፍ ክም ልትከደም አከደ፡፡ መሰኡል መመቅርሐይት ልጅነ ዐደድ - አሰይድ አብርሃም የውሃንስ እብ ጀሀቱ፡ በራምጅ ሕርየት - ምን 15 ማዮ እንዴ እምበተ እብ ዕፌ አጀኢት፡ ጅግረ ረሰም ወሽዕር፡ ናይ ሻርዕ ዕፌ-መሰቀት፡ ናይ ሕበር ሰዐይ-ሕርየት፡ ክምሰልሁመ እግል ዝያድ ኦርት ወሬሕ መዳሊት

ለገብአ እግሉ በራምጅ ዲድ-ረሰሚ ለክምከመ ክምቱ ሐበረ፡፡

አቃሊም ቅብለት በሐር ቀየሕ

እብ ደረጃት አቃሊም ቅብለት በሐር ቀየሕ እት የም 22 ማዮ ረሰሚ ዲብ ስታድዮም መዲነት ባጸዕ ተዐየደ፡፡

ዲብ ሰብ-ሰልጠት ሕክመት ወጀብህት፡ ቃእዲን ዴሽ፡ መሰኡሊን መሐብር ወጠን ወምጅልሰ ወሰነን መዲነት ባጸዕ ለሐድረው ዲብ ዓደት፡ መመቅርሐይት ልጅነት ዓደድ አሰይደ ዘይነብ ዑመር ዲብ አሰመዐተ ከሊመት፡ ምን የም 13 ማዮ እንዴ አምበተ እብ በራምጅ

ዓዳት ወርያደት ዲብ ኩለን እዳራት ዳሕያት ወምዴርያት እብ ሕሽመት ልትዐየድ ክም አሰመነ፡ ለበራምጅ፡ ዓዳት መጅተማዕ፡ ዕፌ ዓዳት እብ ፍራቅ ዓዳት ቅዋት ድፋዕ ኤራትርዮ፡ ዕፌ አሰራር ዐስከርየት ባዛር፡ ዕፌ ፈን ወብዕድ ለክምከመ ክምቱ እንዴ ሽርሐት፡ ለዲድ እግል ልትክየር ለትጀሀደው ሐመደት፡፡

መመቅርሐይ ሽቅል አቃሊም ቅብለት በሐር ቀየሕ አሰይድ ክብርም ዐንደሚካኤል እብ ጀሀቱ፡ ሽዑብ ኤራትርዮ አምዕል ሕርየቱ እብ ሕሽመት ለለዐይደ፡ ለሐሰራዩ መሪር ግድለ ወሐቆሁ ለጀረ ዲብ ዋይዲባት እግል አፍሸሎት

ለአርአዩ ሰሙድ ቀላየተ ሰበት ወቅል ክምቱ ሽርሐ፡፡

አቃሊም ዐንሰብ፤

አምዕል ሕርየት እብ ደረጃት አቃሊም ዐንሰብ የም 23 ማዮ ሐቆ አገሀር ዲብ ስታድ መዲነት ከረን ረሰሚ ተዐየደት፡፡

ለሰብ-ሰልጠት ሕክመት ወጀብህት፡ ቃይዲን ዴሽ፡ ሚርሐት ደያናት ወልጃን ደገገት ለብእቶም አላፍ ሰካን ለሻረከው ዲብ ዲድ፡ መሰኡል መመቅርሐይት ልጅነት ዐደድ አሰይድ ሰራጅ ሐጂ፡ ጀለ ሕርየት፡ ለተሐለፈ መሪር ግድሉ፡ ለትረብ ሰዋልፍ ወለትረከበ ተጃርብ፡ ለትርኤት ፈራሰት ወለትደፍዐ ዐውል ለረከበ ዕፌ ዓዳት ወሬን፡ ክምሰልሁመ ካርኒቫል ዓዳት መጅተማዕ ለክምከመ ለትፈናተ በራምጅ ገብእ ክም አሰመነ ሐቆለ ሽርሐ፡ ዶር ሽዑብ እብ ዓመት፡ ወሽባብ ህዬ እብ ፍንቱይ ሐመደ፡፡

ወኪል ሐክም አቃሊም ኮሎኔል ክብርም ንርአዮ እብ ጀሀቱ፡ ሽዑብ ኤራትርዮ ዝያድ 50 ሰነት ዲብ ግድለ ሰደሰት፡ ሰላሕ፡ 35ሰ ነት ህዬ ዲብ ወራታት ዐማር ወመጋብህት እብ መትሰባሉ ሕርየቱ ወሀለዮቱ ለአከደ ክምቱ ሐቆለ ሽርሐ፡ እግል ሽዑብ ኤራትርዮ ወቅዋት ድፋዕ”አሰናይነ” ቤለ፡፡



ዲድ ሕርየት ዲብ ኩልያት ወሳወ

ኩልያት ሐርሰ ሐመልማሎ

ውቁል መአሰሳት ተዕሊም እብ አሳሰለ ዝመዮ በርናምጅ፡ ኩልያት ሐርሰ ሐመልማሎ፡ እት የም 20 ማዮ እብ ዕፌ ዓዳት ወርያደት ለገምለ ዲድ ሕርየት ወዳት፡፡

ዐሚድለ ኩልያት ፕሮፌሰር ወልዴአምላኽ አርአዩ እትለ አሰመዐየ ከሊመት፡ ሽዑብ ኤራትርዮ ምን እስትዕማር እንዴ ተሐረረ ሚልካይ ርሐ ወምሰተቅብሉ እግል ልግባእ ለሐሰራዩ መራሕል ንዳል፡ ተሐድዶቱ፡ ኤማኑ ወሰያደቱ ሽርሐ፡ ሽባብ እለ እብ ደም ወለሀበት ለትረከበት ወጠን እግል ትዳይም መሰኡልየት ዐባይ ክምገም ህዬ አትፋቀደ፡፡ ዲብለ መናሰበት፡ ደረሰ ሹሃዳህም ሐቆለ ፈቅደው፡ እት ሄራር ብንየት ወጠን እብ መዕጸም እግል ለአውቁ ቆሎም አጀደደው፡፡

ኩልያት ሆንደሰት ወቴክኖሎጂ ማይ-ነፍሐ

ኩልያት ሆንደሰት ወቴክኖሎጂ ማይ-ነፍሐ፡ ዲብ ዕሉም ለተንከበ ጅግራታት፡ ዕፌ ሰወር ወላላት፡ ወራታት ዓዳት፡ ርያደት ወሰሚናር ለክምከመ የም 21 ማዮ ዲድ ሕርየት ወነቲም 13ይ መሀረጃን ደረሰ ወዳት፡፡

ዐሚድለ ኩልያት ዶክተር አርአዩ ዘርአይ ዲብ አሰመዐየ ከሊመት፡ ለእብ መጅብ ብድረ ለገብእ በራምጅ መሀራጃን፡ ክልኤ ምህነት ለተዐንደቀው ብቅዓም ምህንድሲን



እግል ልፍረው ዲብለ ገብእ ለሀለ ጸገም ሴድያይ ክምቱ እንዴ ሽርሐ፡ አሰናይነ! ቤለ፡፡

ዲብለ ደረሰ እብ መላብሰ ዓዳት ቅምያትን እንዴ ገረመው ለወዐለው ዲብ አምዕል፡ መሰኡልት መ/ወ/ሽ/ደ/ኤ አቃሊም ሳወ ወውቁላት መመአሰሳት ተዕሊም አሰይደ መንሱረ እሰማዳ፡ አግደ ሀደፍ ናይለ መሀረጃን ሽባብ እብ ኩሉ ጀዋንም ብቅዓም ወመትጃግረት እግል ልግብአ ክምቱ እንዴ ሐበረት፡ ደረሰ ፍቱሕ እግሎም ለሀለ አብነት እግል ልትነፍዖ እቡ ተሐሰበት፡፡

ደረሳመ ለመሀረጃን ደማን እት ርሐም ወመቅደረቶም ለወቅል፡ መውሀብቶም ለፊትሽ ወፊሀምም እት ዓዳቶም ለወሰክ ሰበት ቱ፡ እግል ለአተላላይ ትፋነው፡፡

ኩልያት ሕክምነ ወዕሉም ዓፍየት እርተ

ዲድ ሕርየት የም 21 ማዮ ዲብ ኩልያት ሕክምነ ወዕሉም

ወሰብር ድድ ኩሉ መሐለኪት ለገብአ ንዳል፡ ኤራትርዮ የም ሰላመ ወመሰከብተ እንዴ ዐቅብት ዲብ ሰእየት ለተሀይብ መርሐለት ሰበት ህሌት፡ ዲድ ሕርየትን ገማል ክም ወሰክ አብርሀ፡፡

ኩልያት ዐዲ-ቀዬሕ፡

ኩልያት ተዕሊም ወሀግዩ ዐዲ-ቀዬሕ፡ ምን 7 አሰክ 21 ማዮ ለገብአት ሳምን፡ ወራታት ኬው፡ ጅግራታት ፈን፡ ህድግ፡ መትወራራሰ ተጃርብ፡ ርያደት፡ ወዕፌ ሰወር ለክምከመት ሳምን ሕርየት ነዘመት፡፡ ሀደፍለ በርናምጅ፡ ሕሽመት እብ ሽክል ጅግረ ሕርየት ዲብ ሽባብ ደረሰ እግል ልሰበቅ፡ ወጠንዮቶም እግል ትተረድ፡ እብ ሰዋልፍ መጅተማዕ እግል ልትረበው፡ ናይ ተዕሊም ወፍጥር መቅደረቶም እግል ትዕቤ፡ ነሰእ መባደራት ወቀልብ መትሰዳዳይ እግል አትናያት ክምቱ ዐሚድለ ኩልያት ዶክተር ወልደትንሳኤ ተወልዳ

እንዴ አትሉ፡ ፈድልለ እብ ኤማን



ሽርሐ፡

ዲብለ ጅግራታት እብ ብሕተ ወእብ ሐሽም ለተዐውተው ጃእዛት ልትሀየብ ዲብ ህሌ፡ ሹዕለት እስትቅላል ሽምዐት ትወልዐት፡፡

ሳወ

እት የም 23 ማዮ “ሳወ ዐግሎ ኩሉ መዋዋን” እብ ትብል ሰቅራት እብ አንፋር 38ይት-ደውረት ክድመት ወጠን ለትዳለ አሰራር ዐስከርየት፡ ክምሰልሁመ ለአምዕል ለሽሬሕ ሐልየት፡ ሰሰዲት፡ አሽዓር፡ ድራራ ወብዕድ ወራታት ተዐየደት፡፡

ቃይድ መርከዘ ተአሂል ክድመት ውጠን ኮሎኔል ደበሳይ ግዴ ዲብ አሰመዐየ ከሊመት፡ እት ክል-ሰነት ዲድ ሕርየትን ዶል ነዐይድ፡ እማነት ናይለ ጀላብ እለ ወጠን ለአሰተሽሀደው ፍራሰ እንዴ ትከበትን ገለድነ ለእንጀድድ ዲብ መናሰበት ክምተ እንዴ ሽርሐ፡ ዐድነ ሕርየተ ወሰያደተ እንዴ ተሐሽመ እግል ልንበር፡ ምንለ ገብእ አባይ እግል ንዳፍዕ እግሉ፡ እግል ነዓምረ ወንብዩ እግል ንትጸገም ክም ወጅብ አፍሀመ፡፡

ኮሎኔል ደበሳይ ዲብ ደንገቤ ሽባብ ዋርሰት እማነት ሹሀደ ሰበት ቶም፡ ሕርየት ዲብ አምጽኦት ወሕፍዘተ ለትርኤ ምስትንክር ዲብ ኩሉ መጃል እግል ልትደገም፡ እለ አምዕል ለተአረፍዐ እማነት ክብድት ሰበት ቱ፡ እብ ፈዛዐት-ውቅል እብ ፍዕል እግል ልሸቀው አትፋቀደ፡፡



ሰባትነ ደማነትነ

እት ካዳት ወድ-ሚን አደም ምን ሕርየት ለለዐቤ አለቡ። ምን መግዘም እስትዕማር እንዴ አበርበርክ ሕር ግብአት፡ ምን ተሐይሰ ህሌት ኢመሰለ። ምን እት ዐድኩ፡ ዳርክ ወወጠንክ እንዴ ደንንክ ነቢር ለት-አኬ ኮሳር ህዬ አለቡ። ከሕርየት ሕርየት ተ። ምን ለዐል ክሉ ህዬ ሕርየት ኤረትርየ። እግል ሚ እብ ክሱሰ ተእሪክ ሕርየት ኤረትርየ ለእለ ተሃሪክ ምን ንት-ሃሪ፡ ለእለ ከተብክ ምን እንክትብ፡ ለእግል ሐሌን ምን ነሐሌ፡ ለእግል አሰአልን ምን ነአሰአል፡ ለእግል ሸዐርን ምን እንሸዐር ሐቲ ፍሬ እድረትመ እግል ነሀርሰ ምን ይእንቀድር። ሰበቡ ህዬ ተእሪክ ኤረትርየ ለኢልትክሊሰ ምሐጥ ተ። ለኢልትዐለብ ምስትንክራት ጀላብ ሕርየት ሰበት ሸቀ። መስተንክር ተእሪክ ኤረትርየ እግል ልሸራሕ ኬትባይ ታሰፋይ ገብረአብ (ጽድቅ ክስታኑ ለሀዐ) “ኤረትርየ እንዴ ትከተበት ለኢትትክሊሰ ክታብተ” ልብል ዐለ። ሸሂድ አልአሚን መሐመድ ሰዲድ እተ “ሰውረት ኤረትርየ” ለልብል ክታብ እተ ቅላፍ ጀላብ ሕርየት ለትሸቀ ካድም እግል ልሸራሕ 275 ገጽ ካትብ ዲብ እንቲ፡ “እሊ እግል ሸርሐት ዲኢኮን ለበዘሕ ተእሪክ ሰውረት ጀላብ ሕርየት እግል ዐሬ እቡ ይእቀደር” እንዴ ቤለ ሻርሐ ህሌ። እብ መስተንክር ሄራር ወሰባት ሀለዮቱ ለአሰበተ ሸዐብ ኤረትርየ፡ ዐዱ ኤረትርየ እበነ ወዕጫዮ፡ አድብረ፡ መሓዛተ፡ ጋድሞታተ ወኡብሐረ ተእሪክ ክምታ ተ ለለአምር። ሸዐብ ኤረትርየ እግል ሀለዮቱ እግል እስትዕማር አቶብየ እብ ክሉ ጀሀቲ በህለት እብ ሰደሰት፡ ዐስከርየት፡ እቅትሳድ፡ ዓዳት፡ አምን ውበዕድ እንዴ ከንፈሩ ክሸ መክለሲሁ አብጸሕዮ። እሊ ሌጠ እንዴ ኢጉብእ፡ ሸዐብ ወሕኩመት ኤረትርየ ሐቲ እዴ፡ ማይ ወሐሊብ እንዴ ገብአ ውሕደተ ለትአክደት ዕምርት ደውለት እግል ልብኔ ወሰደደተ እግል ልዕቀብ ለትሸቀ ወልትሸቀ ለህለ መስተንክር ለለአብል ወቀይ ተ። ጀብሀት ሸዐብየት ወሕኩመት ኤረትርየ እግል ክሉ ሙዋጥን ለትአሻርክ ትርድት ውሕደት-ሸዐብ ወትሩድ ተንዘም ሰደሰት እንዴ ትብኩ፡ እግል ክሉ ሙዋጥን ለለአሻርክ ብነ ወጠን እብ ትሩድ ወቀይ በዲር ቀደም ሕርየት እተ ሕሩር አማክን ወአዜ ሐቅ ሕርየት እት ክለ

ወጠኑ ሰርገለ ወልትሰርገል ህለ። እሊ ህዬ ፍሬ ሰባትነ ደማነትነ ተ። 24 ማዮ ሐቲ ምን ምን ሰነት 1961 ምን መትአንባት ሰውረት አሰክ 1991 ለዐለየ ናይ ግድለ አምዕሎታተ ተ። ለትአንበተ መግጥር ሰባት እግል ልትክለሰ ሰበት ዐለ እግሉ፡ ካቲማለ እስትዕማር ወለግድላለ ሰውረት 24 ማዮ ገብአት። 24 ማዮ ከም ሐቲ በዐል በክት ላተ አምዕል እት ተእሪክ ኤረትርየ ከም ፍንቲት አምዕል ትትፈቀድ ወትትዐየድ። ህተ ሐቲመ ምን ገብእ ናይ 30 ሰነት ለትጋሰ መሪር ግድለ ሞት ወሐዮት ለትወክል ፈርሐት ወራሐት ለትአክደት እተ አምዕል ተ። እሊ አምዕል እለ ሸዐብ ኤረትርየ ሐቅ ብዘት ለትክዐ ደም፡ ለትንዘፈት ለህበት፡ ለትሰበረ ዓጭም ወለትቤዘት አርወሐት አላፍ

ወሳብተት ሰደሰት እግል ለዐለት ጽምእ ሕርየት መበገሲ እንዴ ወደው ሰረት አማን እት ትልዴ ሐዬት ወእለ ናይ ዮም በርሀት መጽአት። ሸዐብ ኤረትርየ ምስል ነፍሱ ገለድ ሰበት አተ፡ እት አክር ሕርየት ክም መጽአ ሰበት ደምን ህዬ ሐቅ ብዘት ተዕበት ሕርየቱ እት እዴህ ጨቅመ። እለ ሐቅ 30 ሰነት ለመጽአት በርሀት ሕርየት ህዬ እብ ሳብት ሀደፍ፡ ኤማን ወሰሙድ ክም መጽአት እግል ንፍቀድ ወጅብ። ሸዐብ ኤረትርየ ወሰውረቱ እግል ለትደቀብ ዴሸ እት አፍሪቃ ትመልክ ለዐለት አቶብየ ምስል ክሎም ሴድዮተ ለለአክጅል ብላይ ሐዘን እንዴ አልበሰ መስተንክር ላቲ ዐውቴታት እት ለአወቄ ሕርየቱ እብ ቅልጭሙ አምጸአ። ምን ሰውረት ኤረትርየ ለእንደሰ ህዬ

ወለመሰሎ ባርህ ሙስተቅበል እት ልትክደም ብዘት ወራታት ሰርገለ ወልትሰርገል ህለ። 24 ማዮ አምዕል ሕርየት ኤረትርየ፡ አወለ ተእሪክ ወአክሪ ዐቦት ወዐማር ለነአሰተቅብል እተ አምዕልተ። ምን አወላይት 24 ማዮ አሰክ እለ ናይ ዮም 24 ማዮ ብዘት ናይ ዐማር ውበክ እብ ክል ጀሀት ብነ በህለት እት ዓዳት፡ ሰቃሪት፡ ውሕደት ምጅተማዕ፡ ቀደሞት ደርሱ ብነ መራክዘ ዓፍየት፡ ጸረጊት፡ ዓብዮት ሐደይሰ መደይን፡ ወእት ደማነት መናበረት ለክድም ከዛናት ማይ ወለመሰሎ ብዘት ወቀይ ሰርገል ህለ። ሄራር ዐማር ወአሰክ ዐማር ምስል ክሉ መሻክል ወሐሰድ ጀወርን ወድወል መዐደይ ክምስል ሰርገለ ክሉ ሙዋጥን ለለአምሮ ጋር ተ። ምስል ክሉ መታክል እት መግጥርን ሰበት ሰበትነ ሀለዮትነ አክድን። ሰባትነ ደማነትነ ክምተ ህዬ አመርዴን። ሕርየት ምን አምጸአተ ዐቂብ ክም ከብድ ሸክ አለቡ። እለ እንዴ አመርን ሕርየትነ ዓይመት እግል ትግባእ ክል ዶል እግል ንክባክበ ለአሰትህል። እብ ከአፎ እንክባክበ እተ ልብል ሰአል፡ ክል ዶል ሰባትነ እንዴ አክድን፡ ሰላም፡ ረህየት፡ ፈርሐት ወለውቀት እግል ንንበር፡ ሐረሰታይ እት ሐርሱ፡ ምደርሰ እት ድራሰቲ፡ ሐኪም



እት ዕደደቲ፡ ቃዲ እት ፍርዱ፡ በዐል ድካን እት ድካን፡ እዳሪ እት ሸቅሉ ወክሉ ሙዋጥን ደለ እተ ትፈረረ እብ አማን ወደማን ሐቅ ሸቀ ትክባክበት በህለት ተ። ፡ መግሀፍ ወጨቅሞ ሕድ፡ እቤ፡ ሐቆ-ሐክ ሐቅ እንቤ፡ አድሕድ ሐቅ ኢንሐሸም፡ ምንኮር እት እንርኤ ናሱ ለአምር ሐቅ እንቤ ላኪን እት ብቅት እግል ትትክራ ትቀድር። ከእሊ ሕሽም ዓዳት ወነባሪ ናይ ፍቲ ወረሕመት፡ ናይ ሕሽመት ወአማነት ለትመልክ ዐድነ ክመ ህሌተ እት ዐማር እግል ትትቀደም ክል ዶል እንትባህ ለአትሐዜ። እብ ሕርየትነ እት ንትሐበን እክል ወሐሊብ እንዴ ገብአነ ላሊ ወአምዕል እብ መትዐጸም እግል ንክደም። ናይ ዮም ዓመት ዓድ ሕርየትነ ህዬ “ሰባትነ ደማነትነ” እት እምብል ዓድ በኪት ወሰዲድ ንብል።



ሹሀደ ለትረከበት አምዕል ሕርየቱ ተ። ሸዐብ ኤረትርየ እትለ አምዕል እለ እግል ልብእክ ለወድዮ ጸገም ሰደሰት ወግድለ እብ ሰላክ ናይ ተእሪክ ዘሕርታት ሐቅ ፈተሽ እሊ ለኢልትበህል ምስትንክር ሐደት እግል ንርከብ እንቀድር። ሰልፍ ሸዐብ ኤረትርየ ከም ኩለን እት ሐን እስትዕማር ለዐለየ ድወል እዲነ ሕርየቱ እግል ልትህየብ እብ ገበይ ሰሊመት ጠልቤ። ለሰምየ ህዬ ሐግለ። ለሰምየ ሐግለ እንዴ ኢጉብእ ሸዐብ ኤረትርየ እብ ጠላብ ግሁፋም ወጠንዮቱመ እግል ልትክለእ ለበዘሐ ሸዐብ እዲነ እብ ዛህር ወእብ ምስጢር መጦር ሰብ መግሀፍ ወአክይ መቅሬሕ በዋረ። ሸዐብ ኤረትርየ እምበል ምራዱ እት ሐንቲ ፈደራሽን ትቀረን። ምናም ላጃእር ንጉስ ህይሌ ሰላሴ እብ ሐለት ውዕል ፈደራሽን እት ለአፈርሰ ምጅልሰ ቅራን፡ ውበዕዳም ምንኮር እግል ለብሎ ለወጅቦም እት ልርኤ ወሰምየ አስቀብው። ፍገሪት ናይ እሊ ህዬ መትወላድ ሰውረት እግል ሕርየት አምጸአ። ግድለ ሰውረት ኤረትርየ ድድ እምብራጦርየት ኢትዮጵያ ወሴድዮተ እግል ትትዋጃህ ትቀሰበት። ሸዐብ ኤረትርየ ወሰውረቱ እምበል ሴድያይ አለቡ ለመሪር ግድላሁ አንበተ። ምሕርበት ምስል ክሉ ሕዲናሆም፡ ሰኢን መሻሪፍ፡ ጽዋር፡ ታዕሊም

ለጉብእ ሸዐብ ክም ሸዐብ ኤረትርየ እብ ኤማን ወሰባት ምህርቱ እንዴ ሰደ ዶል ከድም ምን ንዮቱ ለክርጎ አለቡ። ሸዐብ ኤረትርየ በዲር ከንፈሩ እንዴ ክሸ ሐቅ 30 ሰነት አርወሐት አላፍ ሹሀደ እንዴ ደፍዐ፡ ለህበቱ እንዴ ነዘፈ፡ ሰፍረ ወግብእ እንዴ ከህለ ሕርየቱ አምጸአ። አክደት ሕርየት ሌጠ እንዴ ኢጉብእ ናይ አማን ሀለዮቱ እግል ለአሰብት እስትፍታሁ ወደ ወእት እድንያ እብ ቃትናይ ገበይ ራዮቱ ሰቅሎ። ሐቅ እሊ ክሉ ለመጽአ ሐሰድ ወገደቦ ሰበት ኢትፈንቴቱ ብዘት መሻክል ወውራራት ምን ወያኔ ወሴድዮተ እንዴ አፍሸለ እት ወቀዮ አቅበለ። እት መግጥሩ እንዴ ሰብተ እግል ክሉ ጸብኢታት ወዋይዲባት እንዴ ከህለ እብ ሰላም ወጠኑ ደምን። ሕርየት እት መርሕ ለመጽአት ጀብሀት ሸዐብየት፡ ምን ሰውረት እንዴ አንበተት መስኪልየት ሸዐብ ለትክበተት ከሕክመት ገብአት። ሰላም ወጠኑ እንዴ ደምነት ህዬ መጦርለ መሰል ሰላም ላተን ድወል እግል ሰደደት ወመስኩበት ሸዐብ ትትሓጃህ ህሌት። እት ዘበን ሰውረት ለአሰተብደ ናይ አማን መግጥር ክም ከረ ደማነት ነፍሰ እት ክሉ መጃላት፡ ወእብ ፍንቲይ እት እቅትሳድ፡ አብደዮት ቅዌት፡ መትቀዳም እት ዕልም፡ አሰረቶት ድንጉር ዓዳት ወአምራድ

መጤጣም

24 ማዮ ለተአረፍዐናቱ ጸር

- ለነቅሰት ምኒን እብ ኤማን ወሰባት እግል ነአትምም
- ፍቲ ወረሕመት ፍንጌ ሙዋጥንን እግል ለህሌ ትርድት ክድመት እግል ኒዴ
- እምበል ሕርሰ ሕድ ሐቲ እዴ እንዴ ገብአነ እት ዐማር እግል ንሄርር
- እግል አደቀቦት ሕሽመት ዐድል ለትትቀደረን እግል ነአውቁ
- እግል አሰረቶተት አምራድ፡ ሕግላን፡ ወቅዌት እብ ክለ ሐሊትነ እግል ንሸቁ
- ክመ ሰላም አሰበትናህ ሐቲ እዴ እንዴ ገብአነ ዐድነ ምን ለዐል ሰናተ እግል ኒደየ ገለድነ ለነአትሐድሰ እተ አምዕልተ ።

ርክን ርዶደት ሐንገል

እሊ ርክን እሊ ለትፈናተ እግል ሐንገል ለለአትሐሳሴ ሰላላት ወመሳእል ለልዳሴ ዲቡ ርክን ተ።

1. ለአወለይት አምዕል 24 ማዮ አዮ አምዕል ዐለት፤
2. ለአወላይ ሸሂድ ሰውረት ኤረትርየ መን ልትበህል፤
3. ምን 1991 ዮም ዓመት 35 ሰነት ዋድያም ህሌነ ምን እስትፍታእ ገብአ ህዬ ከም ወዳን፤
4. አወለይት ጠልገት ሰውረት ምን ረአሰ አዩ ደብር ትሰምዐት፤
5. ናይ ደዓም ለህ ሰቅራት ሕርየት ሚ ለትብል ዐለት፤

በሊስ

- ቴህህ ህሂ ጫህህ ጌሬጅ 5
- ሄጻሃ ጋህጽ ህሃግ ጌሬ 4
- ጋህጽ 33 3
- ጋህጽ ጋህጽ ጋህጽ ጋህጽ 2
- ቴህጋጅ ህህጋጅ 1

ሐብሬ

ካይሳም ቁርአት፡ እግል ትሻርኩ ምስልነ ወረአይኩም እግል ተሀቡነ ሰእየትነ ዐባይ ተ።

ዕንዋንን ውዳሪት ተዕሊም ወሳእል እዕላም።

ዕልብ ተለፋን 114991 ወዕልብ ቡስጠት ህዩ 609 ተ።

ሰባትና ደማትና!

ዲድ ሕርየት ዲብ ካርጅ

አዲስ አበባ



እብ ሰፋሪት ኤሪትሮፕ ዲብ ኡቶብዩ፡ ሳብት ልኡክ ዲብ እተሓድ ኡፍሪቀ ወኮሚሽን እቅትሳድ ኡፍሪቀ ለትክሚ ዲድ 35ይት ሰነት ኡምዕል ሕርየት ኤሪትሮፕ “ሰባትና ደማትና” እብ ትብል ሰቅራት እት ዮም 22 ማዮ ዲብ ‘ሕረት ምግባይ መክተብ እተሓድ ኡፍሪቀ ረሰሚ ተዐዩደ።

መትምማይ ቅደይ ሰፋሪት ኤሪትሮፕ ዲብ ኡቶብዩ፡ ሳብት ልኡክ እተሓድ ኡፍሪቀ ወኮሚሽን እቅትሳድ ኡፍሪቀ ኡሰይድ ቢንያም በርኔ እተ ኡሰመዐዩ ከሊመት እግል መደት 30 ሰነት ለጸንሐ ረዩም ወመሪር ግድለ ሽዑብ ኤሪትሮፕ ዲብ ዕዉት ካቲመ ሕርየ ለኡብጽሐ፡ ወሐቀ ሕርየት ለጆራት ጸብኢት እግል ጋብሆት ለትቀደረ ኤማን ክምቱ እንዴ ሸርሐ፡ ዝያድ ሰር-ዘበን ምንለ ነሰኣ ንዳል ሰዮሰት ወዐስከርየት ለትረከበ ተጃርብ ህለ ምን ገብኢ፡ ገበይ ዐውቲ ትዋዕም ወትምረር ዲብ ኡተላላይ ኤማን ወጅህድ ለትተንክበት ክምተ ኡፍሪቀ።

ናእበት መሰኡል ኮሚሽን እተሓድ ኡፍሪቀ ሰፊረት ሰልመ ማሊካ ሐዲድ እብ ጀህተ፡ እግል ሽዑብ ወሕኩመት ኤሪትሮፕ “ኡሰናይ እትሊ ኡብጽሐኩም” ሐቀለ ቤለት፡ እብ ኤማን፡ እስትሸሃድ ወመትሰባል ለልትኡመር ታኡሪክ ግድለ ኤሪትሮፕ፡ ምሰል ህለዮት ወድድ ሰፍረ ወመትቀዳም ተጠውር እቅትሳድ ክም ገይሰ ሐበረት።

ዲብሊ መናሰበት፡ መሻረከት ውቅል ናይ መጅተማዕ ዲፕሎማሲ፡ መሰኡሊን እተሓድ ኡፍሪቀ ወኮሚሽን እቅትሳድ ኡፍሪቀ ክም ዐለት፡ ለበጽሐን ከበር ኡፍሪቀ።***



ኒውዮርክ

ቃይም ሚሰዮን ኤሪትሮፕ ዲብ መክመት ምጅልሰ ቅራን፡ እብ መናሰበት 35ይት-ሰነት ዲድ ሕርየት፡ እት ዮም 21 ማዮ ዲብ ኒውዮርክ ለህለ ምግባይ መክተብ ናይለ መክመት ዲድ ናይር ገብኢ። ዲብ “ሰባትና ደማትና” እብ ትብል ሰቅራት ለገብኢ በርናምጅ፡ ሳብታም ወካይል ድወል፡ ዲፕሎማሲዮን ውቁላም ሰብ-መዝ መክመት ምጅልሰ ቅራን፡ ወካይል ናይ ኡቃሊም ወመክመት መሕበራይ እትሳላት፡ ጀሃት መደንዩን መጅተማዕ



ወመሳኒት ኤሪትሮፕ ወኡርትሮፕ ሸቃለ መክመት ምጅልሰ ቅራን፡ ክምሰልሁመ ዲብ ኒውዮርክ ወድዋረ ለነብር ኤርትሮፕ ሻረከው።

ሳብተት ወኪለት ኤሪትሮፕ ዲብ መክመት ምጅልሰ ቅራን - ሰፊረት ሰፍዮ ተሰፋማርያም ዲብ ኡሰመዐተ ከሊመት፡ ሕርየት ኤሪትሮፕ ካቲማለ ዐስርታት ሰፍታት ለትደፍዐ ቃሊ እስትሸሃድ ወኤማን ትሩድ ክምተ እንዴ ሸርሐት፡ ገለድ ኤሪትሮፕ

እግል ሰዮደት፡ መተንኮብ ዲብ-ኖሴ ናይ መንጠቀት ሰላም ወመሰኩብት ኡክደት።

ረዶድ፡

ዝክረት 35ይት ሰነት ሕርየት ኤሪትሮፕ “ሰባትና ደማትና” እብ ትብል ሰቅራት እት ዮም 21 ማዮ ዲብ ረዶድ - ሰዑድዮ እብ ነያሪት ተዐዩደ።

ለዓደት፡ እብ መሕበር ወጠን ኡዋልድ ኡንሳት ለትዳለ ዕፌ ሰወር ወዐፍሽ፡ ለብብሰ ዓዳት፡ ሰሰዒት ቁምያት ኤሪትሮፕ እብ ደረሰ ጃልዮት ኤሪትሮፕ ለትቀደመ ኡናሺድ ወበራምጅ ብዕድ፡ ክምሰልሁመ ዕፌ ዓዳት ወፈን ለክምከመ ዐለ።

መሰኡል ጃልዮት ረዶድ ወድዋረ - ኡሰይድ ተሰፋይ ተኽሌ እተ ቀደመዩ ከሊመት፡ ኤሪትሮፕ ዐድነ እተ ሐልፈ ሰፍታት ለሐልፈቱ ጸብኢት ወለኡርኤቱ መጋብሃት-ትሩድ ለልኡርኤ ክምቱ እንዴ ሸርሐ፡ እት ካርጅ ለነብር ኤርትሮፕን እብ ዓመት ሸባብ ህይ እብ ፍንቱይ፡ ዲብ መሕበር እንዴ ትክክመው ፋዜዕ ዶርም እግል ለወቅሎ ትፋት።

መትምማይት ቅደይ ሰፋሪት ኤሪትሮፕ ዲብ መምለከት ሰዑድዮ ኡሰይደ ወይኒ ገረዝገሄር እብ ጀህተ፡

ዲብሊ ደውለት ለህለው ሰፊረት ውብዕዳም ዲፕሎማሲዮን፡ ክመልሁመ ብዝሐም ኡንፋር ጃልዮት ኤርትሮፕን ሻረከው።

ላክሰምበርግ፡

ኤርትሮፕን ሰነን ላክሰምበርግ ወጀርመን፡ “ሰባትና ደማትና” እብ ትብል ሰቅራት 35ይት ሰነት ዲድ ሕርየት፡ እብ ሕሸመት ዐዩደው።

ሰነን ላክሰምበርግ እት ዮም 16 ማዮ ዲብሊ ወደዉ ዲድ፡ ወኪል ጃልዮት ወጠን ኡሰይድ ርሰቶም ሃብታይ እተ ኡሰመዐዩ ከሊመት፡ ኡንፋር ጃልዮት ክም ዲመ ውሕደቶም እንዴ ኡተረደው መጋብሃት እግል ለወቅሎ ወዶርም ዲብ በራምጅ ዐማር ውብንዮት ወጠን እግል ለከደዶ ኡትፋቀደ።

ኡወላይ ካትብ ሰፋሪት ኤሪትሮፕ ዲብ ቤልጅም ኡሰይድ ሚኪኤል

ከሊመት ርኢሰ ኡሳይያሰ...

ምን ገጽ 2 ለኡተላለ

እብ ተፋሲል እግል ልትርኤ ምንመ ተዐሌ እሉ፡ እብ ዓመት ላኪን፡ መታክል ኡቅዮዋት ዳሊት ቱ እግል ልትብህል ከልትሸረሕ ቀድር። ሰልፋይ- ፈንጨጋር እት ፍንጌ መዋዋኒን ቱ። ሕኔት ጅንሰዮት ወጠን ትብኔ፡ እብ ለትፈናተ ኡሰማይ ናይ ቁምዮት፡ ደያነት፡ ቀቢለት ውብዕድ እት ትብል ገባይል እብ እብ እንዴ ኡትብኡሰኪ፡ እት ቃቃል-ሕድ ክሰኡቱ፡ ካልኡይ- ንዛም መናቢት ሐርብ ወምሊሻታት እት ኡካን ሰዶድያይ መኡሰሳት ከባካብ፡ ሳልሳይ- ዐደድ ከፍዮ ለከሰሐ (corrupt) ዐዋዲ- ሰርቅ እሉ መትሐዳር፡ ራብዓይ- ለኡክ ሸር ህይ ላዋሽ-ኡይደ ካርጅ፡ እሊ ከሉ ጠዩዕ እግል መሳሌሕ ካርጅ ቱ። እተ ተፋሲሉ እብ ቅያሰ መትፈናታይ እግል ለህሌ ቀድር፡ እብ ዓመት ላኪን፡ እሰልፍ እግል ልትሳሬ ለህለ እሉ ፈንጨጋራት ቱ። እግል ከርዑ ህይ፡ ለናይ ካርጅ መትኡታይ ወተምዊል ላዝም እግል ልብጠር ለቡ ቱ።

ሓይላም ወሓይላት

እት ቅደይ ቀበት-ዐድ እግል ንምጸኡ፡-

እተ ሐልፈ ዲድ ሕርየት፡ እግል ዐማር መጋብህትን እት ለትፈናተ መጃላት ወጀብሃት፡ ኡሰክመ እብ ኡውለውያትን ሁጉይ ዐልተ። ለሸይ ሐዲሰ ምንመ ኡትን ኡግደ ላኪን፡ መናበረት ሽዑብን እብ ኡውለውያት ህይ ለኡዋራፍ ህለ ባካት፡ ወእግል ዲመ ህይ ምን እቅትሳድ መንበረት ምን እዴ እት ኡፍ ለልኡተባሬን ኡፍረዮትን ለልኡተርድ፡ እተይን ለልኡበርክት፡ እት ለሐሰ መሳኔዕ ወረኪብ-ዐውል ሰናዐት፡ ክምሰልሁመ እት ለሐሰ ከደማት ለልኡበኤሕ ጃላብ እግል

ተሰፋይ እብ ጀህተ፡ ሽዑብ ኤሪትሮፕ እግል ሰፍታት ረዩም ለጀረ ዲብ መቃወማት ወመጋብሃት እብ ኤማን፡ ምን ጋብህ እሊ ዲድ ሕርየት ለትትህዮብ ሕሸመት-ውቅል ምን እሊ ለትብገሰ ክምቱ ኡፍሪቀ።

ኤርትሮፕን ሰነን ጀርመን እብ ጀህተም፡ እብ ልጃን ወጠን ናይመዳይን ለሻረከው ዲብ ዲብ መዳይን ሸቱትጋርት፡ ካሰል፡ ከለን ወኡልም ክምሰልሁመ እዳረት ሼትራው፡ ዲድ ናይር ወደው።

እምበል እሊ፡ ዲብ መዳይንት ሰቶክሆልም - ሰዊድን፡ እብ መናሰበት ዲድ ሕርየት፡ ዲብ ኡጀኒት ለኡተጀህ ወራታት ርዶደት፡ ማዕሉማት ዓመ ወዕፌ ዓዳት እት ዮም 14 ወ 16 ማዮ ገብኢ።

እሊ እብ ሸብህ፡ ኤርትሮፕን ሰነን ትርጉንዶይም ወድዋረ - ኖርወይ - ዲድ ሕርየት ኤሪትሮፕን እብ ሕሸመት ክም ዐዩደው ምን ባካት ለበጽሐተን ሐብሬ ኡትኡመረት።

ልግበኢ ቱ። እት እቅትሳድ ሌጠ እንዴ ኡብዋር፡ እት ዲፕሎማሲዮት ወናይ ሐብሬ ጀብሃት ለክምክም። እት ማል ወቱክኖሎጂመ ምሰለ ልትካሰት ለህለ ኡብካት ራካብ ሸርከት፡ እብ ቀላል ለይኡንርኢዮ ወቀይ ቱ። ለኡግደ ሐሊት ላኪን ራካብ መሻረከት ሽዑብ፡ ዐደድ ወጅንሰ ሰብ መቅደረት ሸባብ፡ ምሰለ እት ካርጅ ለነብር ፍራሰ መዋዋኒን እንዴ ከምከ ዳይመት ሐሊት ኡክደት ቱ። ክምለ ከሐዝዩ እግል ንሄርር ላኪን፡ ሰታትን እብ ሐዲሰ እግል ነኡሰፌ ወኡርዛቅን እግል ነኡትሐሰሴ ሰበት ወጅብ፡ እት ሰነት 2026 ህያይ ብሂል ልትሰኡን።

ናይ ጸርግያታት ወመዋሰላት መሻሬዕ፡ ክምለ ሰቱተ ለህለ እግል ልዕቤ ቱ። ለርሐብ በራምጅ ኡብያት ሰከንመ፡ መዋመጦሩ እግል ልሄርር ቱ። መሻሬዕ ኡርሐቦት ክዳማት ማይ ወከህረበት መትኡካር ምን ኡሳድፋ፡ እንቡተቱ እትለ ሰነት እግል ትትመደድ ቱ።

እት ክዳማት እጅትማዕዮት፡ እሰልፍ ተዕሊም፡ እብ ራካብ መዓወት ሽዑብ፡ ምን ረውዳት ለልኡነብት መሻሬዕ፡ ሲናዶ ሰልፍ እግል ትግበኢ እሉ ሰኢየት ህሌት። ኡርሐቦት ከደማት ዓፍዮትመ መሰኡት ዐቢ ለብኡቱ ቱ።

ሰቡል ወኪድማይ ሽዑብ ሌጠ እንዴ ኡገብኢ፡ ሓዋር፡ ባትክ ወክህላይ ሽዑብ ሰበት ህለ፡ ምን ከሉ ዐማር ብንዮት ወጠን ለኡልትፈንቱ ቅዋት ድፈዕ፡ ክም መቶር ዐማር ወድሬዕ ሰበት ቱ። ሐበን ልልበሰ! መሐለኪት ምንመ ለህሌ፡ ኡሰፍ ኡህለ! ቅሰፍ!

ሰባትና ናይ ኡማን ደማትካ ለናይ ሰባት ተኡምርታካ ሹህዳን ልትሐሸዋ! ዐውቲ እግል ገቢል!



ሰባትን ደማነትን!
35^{ይት} ሰነት ዓ.ድ ሕርየት



ዲዛይን & ስወር - ታላዋቅ ኣብርሃ
 ኣክሊሉ ዘርእዝጊ
 ሳልኡ ዓብይልቻድር
 ኣብርሃም በየነ

ሰባትና ደማካት!

ዝክረት ሕርየት ሐቆ 35 ሰነት

24 ማዕ 1991 ኤረትሪያ ምን ሸምት እቲ ለዐለት ወሐል እስትዕማር ወቅርንት እቲ ለዐለት መግዘም እስትዕማር ምን ትትሐረር፡ እላተ የም ዓመት ዕልብ 35ይት ሰነት ሕርየተ ተዐይድ ህሌት።

እብ ፋሽ ወሐበን ለሐልፊ ንዓል ተሕሪር ምስል ክል መራራቲ ሐክሩ ወእስትሸሃዱ ዲብ ዘክር፡ ወሕሳል ዐቦት አስክለ ናይ ፈንጎሕ ኤረትሪያ

ምን ሲነመት ሮመ እንዴ ሐልፊ እብ ባካት ሲቲ ፓርክ አስክለ ዐቢ ሚዳን ሄለል ሰብተምበር ለአሲርር እት ህሌ፡ ክል ምዋዋን፡ እብ መራር ወሕፍን



ሸዐብ ኤረትሪያ ህዩ ዲብ ከርስ ዐድ ወካር፡ እንዴ ገብእ እለ ቃልየት አምዕል ሕርየቱ እብ ነያረት ለዐይደ ህሌ። የም ዒድ ሕርየት እብ ነያረት ወገማል እት ክሉ አቃሊም ክምሰልሁመ ዲብ መዐይይ አብሐር ወምሐጣት ክሉ ሸዐብ ኤረትሪያ እብ ሕሽመት ለዐይደ ህሌ። እብ ፍንቱይ እት መዲነት አስመሪ ሕርየትን ጀላበ ለሐልፊ ንዓልን ወእብ ፈድለ ለትረከበ ፍሬ ፋሪ ወለልትጸበረን ምስተቅበል ባርህ

እግል ልዋሉ መዳሊቶም ምንል እሉ ልብሉ ከሊማት ወዘየታት በይን እግልከ። ሸዐብ ኤረትሪያ ፈድለ ኢትክመህ ወኢትበጭብጭ ውሕደቱ፡ ሰባቱ ወከህላቱ፡ መትሰባሉ ወፍርሰነቱ፡ ሐክሩ ወእስትሸሃዱ ዲብለ ደማን ለበ መርሐለት እንዴ ገብኣቱ ዒድ ሕርየቱ ለዐይድ ለህሌ። ዲብ እለ ዝያደት ክል ዒድ ወጠን ላተ አምዕል ሕርየት ህዩ፡ ሸዐብ ኤረትሪያ እት ህለ ለህሌ ዲብ ሐቲ ሐረት ወሐቲ

ጸሓይ እንዴ ኢልትከሪዕ ዲብ ልሳረር ወዲብ በርጅ ወክበርታቱ ዲብ ጀምጅም ህዩ እግል መናሰበት ዝያደት ግርመት ወጀላል ሀበዩ። ኩሉ ለምን ሳዐት ሐቲ አድህር ለአስተብደ ረዩም ሴር ዲብለ ናይ ደንጎበ መብጠሩ ለዐለ ሚዳን ሄለል ሰብተምበር ክምሰል በጽሓመ ብዕድ ወራታት ፈን ትክበተዩ። ለእብ ገዳይም ወሐዳይስ ፈናኔን ልሰንቁ ለዐለ ሐልየት ማሌ ወዮም።

ከሊመት መፈወድ መፈወድየት ዓዳት ወርያደት ሰፊር ዘመዴ ተኸለ



ዓዳት ወርያደት ህዩ እላተ፡- ኣይሰ ርኢስ ኢሲያስ አፍወርቂ ኣይላም ውቁላም ሰብ ሰልጠት ሕኩመት ወጀብህት ወቅያደት ዴሽ ውቁላም መስኢሊን መሓብር ወጠን፡ ሚርሐት ደያናት ወ ዲፕሎማሲዩን ኣይላም አበው፡ እማት ወሸባብ

ኣይላም ውሓይላት 35ይት ሰነት ሚላድ ሕርየት ኤረትሪያ ለቀለ ወጠንያይ ዒድነ፡ እግል ነዐይዱ ዲብ አዳሌናሁ በርናምጅ አሰናይ እብ ደሐን መጽአክም። እብ ሐቲ ንየት ወኣርት ቀልብ፡ ዲብ ክለ ወጠን ወዲብ ካርጅ እብ ህለ ሸዐብ፡ እብ ዐባይ ምርወት ወጠን፡ ገብእ ለአሰመነ ጋምል አሌላት ሕርየት እንዴ አትመምነ፡ ዲብ እለ ቃልየት አምዕል ባጽሓም ህሌነ። ተአስትህል ለእምበሊ ሂደት ሕርየት እግል፡ በራምጅ ፈን እዱልያም ህሌነ። በርናምጅን እብ ማርሸን ዴሽ እንዴ አንበተ፡ ዕፌ ፈን ለከምክም እግል ኩለን ቀምያት ኤረትሪያ ለወክል ዲብ ክልኡ ክፋል፡ አወላይ ወካልኣይ ተርቲብ ለጸብጣ ቲ። እለ አውርሐት ብዘኸ ለነሰእ መዳሊት፡ እብ አምኣት ለልትዐለቦ ደረሰ፡ መድርሲን፡ መዐግለት፡ ፈናኔን፡ ሙደራ፡ ተክኒሻናት ወለመሰሎም ለህብቶም ለሸልተው እቲ ሸቅል ርሐብ ቲ። ኣይላም ውሓይላት እግል እለ እዱሉያሙ ለህሌነ በርናምጅ፡ ዲብ ናይ አክር ደረጃቱ እንዴ አብጸሐው፡ እግል ሰርገሎት ለሰደውነ ጅሃት ጀብህት፡ ሕኩመት፡ ዴሽ፡ መሓብር ወጠን ውበዕዳም ጀሃት ሐምዴ እንቀድም። እግል መዐግለት፡ ሙደራ፡ መሀንድሲን፡ ፈናኔን፡ እብ ዓመት እግል ክሎም እብ ኩለ ቅድረቶም ለሻረከው ሐምዴ ዛይደት ትብጽሐም። እግል ዋልዴን ናይ እሎም እት በራምጅ ፈን ሬሕ ዛርኣም ለህለው አዋልድ ወውላድ ደረሳመ ሕሽመት ለህበኩም እብል። ወሽክረን



ለክሰስ እት ክል ድጌ ወዲብ ክል መድረሰት፡ ዲብ እዳራት ደዋዩሕ ወዲብ መአሰሳት ሕኩመት ገብእ ለወረሐ ወራታት ገማል ወፍር ሕርየት ለሸሬሕ ዐለ። ለዲብ መዳርስ እብ ለትፈናተ ወራታት ፈን ለአስተብደ ዒድ ሕርየት፡ እብ ካርኒሻላት ሕርየት፡ ዳሳት መዐዩ፡ ወራታት ፈን፡ ሸዋሬዕ አሰመረ ምን ጠረፍ እት ጠረፍ እብለ ለጭረዋሬሕ አንዋር ወእብለ ሱቁል ሸዎራት ወስቅራታት ህዩ እግል መናሰበት ዝያደት አገረመዩ። ለእብለ ሐዲስ ግም እስትዕማር ሚ ክምቱ ለይለአምር፡ ላኪን ዲብ ተአሪክ ለደርሰዩ፡ ሸንርብ እስትዕማር እብ ለትፈናተ አሸግር ወለሐን ለትቃኑ ሐልየት ዘኩረ እት ህለው፡ ኤረትሪያ ምን ግም ዲብ ግም ውላደ ወናይ ምስተቅበል አጅያለ።

ዐግሎ እንዴ ገብኣቱ ለልዐይደ። ዎር ምን ዲብ ክል ሰነት እግል ገማል ዒድ ሕርየት ዲብ ሸዋሬዕ አሰመረ ለልዳሌ ካርኒሻል ሕርየት ቲ። ካርኒሻል የም ዓመት ዲብ አሰመረ የም 19 ማዕ 2026 ሳዐት 1:00 አድህር አግደ ሸዋሬዕ አሰመረ እብ ሸዐብ ትረገሐ። ምን ክል ርክን ወዳሕየት መዲነት አሰመረ ተንክር ለዐለ ሰኮን 13 ዳሕየት አሰመረ እብ አርበዕ ርክን ናይለ መዲነት ዲብ ባካት ሮሻን ነቅፈ ሃውስ ወሸደ ሐቀለ ትጀመዐ፡ እብ ሕላይ ወሰሰዲት ናይለ ትፈናተ ቀምያት ዲብ ለአሲርር ወልተልሂ ህዩ ለአግደ ሸዋሬዕ አሰመረ በህለት ሻሬዕ ሸህደእ ወሕርየት መልኣ። ለእብ ረዩም ሴር ለህይ ከደርብ ለህይ እንዴ ትለመመ አስክ ሚዳን ሄለል ሰብተምበር ለዐለ ሄራር ህዩ።

ለብዕድ ዲብ አቅሊም ምግብ እብ ዓመት ዲብለ 13 ምዴርያት መዲነት አሰመረ ክምሰልሁመ ምን አሰመረ በረ ለህለየ 3 ምዴርያት ዲብ ክል ሰነት እብ መናሰበት ዒድ ሕርየት ለገብእ ዳሳት መዐያ ቲ። እለ ዳሳት እለ ህዩ ዎር ምን ብዘኸ መዳሊት ለገብእ እለ ክሉ ለተአሻርክ ወዲብ ዎር ዐግሎ ምስል ዒድ ሕርየቱ ለለአገምል እት መናሰበት ቲ። እለ ህዩ እብ ብለዕ ወስታይ ሌጠ እንዴ ኢገብእ፡ ዲብ ለገብእ ንዓል ተሕሪር፡ ሹህደ፡ ወጠን፡ ሕርየት ወወጠንየት ለሸድ ወለሰንቁ፡ ሐልየት ወአሸግር ልትቀደም እቲ። እለ እብ ክል ሀገሊት ወጠን ለልትቀደም በርናምጅ ህዩ ክል ምዋዋን ረዩሕ ወለአሻርክ ። እብ አሳስ እለ የም ዓመት ዲብ አቅሊም ምግብ እብ ዓመት 143

ዳሳት መዐዩ ልተክል ዲብ ህለ ምን እለ ለ59 ዲብለ 13 ምዴርያት መዲነት አሰመራ ቲ። እለ ህዩ ተአምርተ ውሕደት ወወጠንየት ሸዐብ ኤረትሪያ ምን ዶል ዲብ ዶል ዲብ ልጠወር ወእብ ፈን ውበሰር ሐዲስ ልዳሌ ለህለ ዳሳት ቲ። እት ቀበት ዐድ ወካርጅ ለህለው ኤርትራዩን 35ይ ዒድ ሕርየት፡ እብ ሐበን፡ ሰእየብ ኬር ወምራድ እግል ጸገም ዋቂ ትክበተው። የም 23 ማዕ ምሴ እት አሰመራ፡ ዐሰርታት አላፍ ሸዐብ እት ሸዋሬዕ እንዴ ትጀምዐ፡ ጠዐምለ ፍሬ እስትሸሃድ ላተ ሕርየት ዲብ ለአዳውር አምሴ። ለሸዋሬዕ ዲብ ኩሉ ዓማር ለህለው መዋዋኒን ወውላድ ካርጅ ለዐፈወ። ለትፈናተዩ ፍሪቅ ዓዳት፡ ለዒድ ለሸሬሕ ሐልየት ወአጀኒት ለብእቲ በራምጅ ሕዩብ ዐለ። ፈጅረተ 24 ማዕ አሰቡሕ ሳዐት 6:00፡ እግል ሕሽመት ሕርየት 21 መረት መድፍዕ ትለከፈ። ብዕድ ዒድ ሕርየትን ለለአገመለ ለዲብ ለትፈናተ አርካን ወጠን ወዲብ ካርጅ እብ ደውለት ደውለቲ ክምሰልሁመ እብ አቅሊም አቅሊሙ ለገብእ መዳሊት ዒድ ሕርየት ቲ። ሸዐብ ኤረትሪያ ዲብለ ትፈናተ አርካን ወጠን ወዐለም ምንመ ለህሌ፡ ዒድ ሕርየቱ ሐቲ ወድዩ ወዲብ ሐቲ ዐግሎ ለዐግሎ ወለአትውሕዳ። ዲብ ገጽ 10 ልተላለ



ዳሳት መዕዩ ተአምርተ ፈርሐት ወውሕደት ቱ! ምዴርያት ጸጸራት ወቲራሾሎ

ሙሰውር፡ ክብርም ጸሀዬ

የም ዓመት 35ይት ሰነት ዓድ ሕርየት ሰባትን ደማንትነ! እበ ትብል ሰቅራት ምን ደንግብ ወሬሕ አፕሪል እንዴ አንበተ እብ ለትፈናተ ነሻጣት ዲብ ገምል አሰማኝ።



ሙናድል የማነ ጸጋይ መስኦል መዕስከር ሙስኩናም ደንደን



አሰይደ ደርጋአለም ተስፋ-ሉኦል መስኦልት ካምቦሎ

መዲነት አሰመረ ህዬ ክም ኩለን አቃሊም ወዘያድ ክም ዓሲመት ህታመ ብዙሕ ነሻጣት ገብአ ዲበ። ክም አተላለይ ናዩ ህዬ ሸዕብ እብ ሕበር ዳሳት ዓድ እንዴ ተክለ እብ ክል እዳራት ምዴርያት ወደዋሐ ምን ሐለ እተ ዶለ ልብል ወዲዱ ለአገምል አሰማኝ። የም 22 ማዮ ህዬ ምዴርያት ጸጸራት ወቲራሾሎ ለአዳለያሁ ዳሳት መዕዩ እግል ንሳጅል እንዴ ተሐረክነ ለዒድ ሚ መሰል ክም ዐለ ምን ገሌ እዳርዩን። ልጃል ወሸዕብ ዲበ ዳሳት መዕዩ ለጸንሐውነ እትሁጉያም ዐልነ። ታምም ጸብዋ ዲብ እለ ናይ የም ጀሪደትን እግል ንቀድሙ እግልኩም ቱ።

አቅሊም ምግብ እትለ ሰነት እለ ዲብ ቀበት መዲነት አሰመረ ሸዕብ ዲብ 59 ዳሳት መዕዩ እንዴ ትጀመሪ እግል ለዐይድቱ ክም በርናምጅ ለፈግሪ፡ ምን እለን 8 እብ ሕምባሽ ወለበዘሐዩ ህዬ እብ ሕሩድ እግል

ለዐይዳሁ መዳሊት ገብአ። ምዴርያት ጸጸራት ህዬ 6 ዳሳት መዕዩ እዳሊት ዐለት። አሰማየን እግል ወድሐት ዲብ ጤሴ እንደ ጀርመን፡ ፎርቶ እንደ አዲታት፡ ሰነት፡ ሺላጆ ወቤት መኸእ ተን። ምዴርያት ቲራሾሎ ህዬ ዲብ ድዋራት ዊን፡ ጋራጅ ፍያት ሻርዕ ዋርሳይ፡ ፋሚሊ አዩሴ፡ መርከዝ ምስኩናም፡ ባካት ሕክምን ሙስኩናም፡ ባካት መሓምብሲ ለዐለ ወእንደ እንዳሰትራቱ ዳሳት ትኩል ለዐለ። እለ ዳሳት እለ ኩሉ ክም ዳሳት ናይ ህዳይ ምስለ ቱንዳት ግጠዕ ጸዕደ እንዴ ለብሴ፡ መንዴራት ወሰቅራታት እንዴ ትሰርገ ኩሉ ግርመት ወፈርሐት ለልሀይብ አግቡይ እብ ሰርጉይ ዐለ። ሸዕብ ህዬ አንስ ወተብዐት ልባሰ ዒዱ እንዴ ለብሴ፡ ልጃን ገሌ ጋሽ ልትከበት፡ ገሌ ነብረ ወሰታይ ለአትከብት፡ ገሌ ህዬ እብ መክረፎናት ወአላት ሙሲቃት ሸዕብ ሐልዩት ለአሰማዕ ወሐብሬ ለሀይብ ጸንሐኝ። ከለ ገብአ መዳላይ ወፈርሐት ሸዕብ እብ መናሰበት ዓድ እግል ልሸርሐ እግልን ምን ሀደግኝ ምስሎም ዲቦም እግል ንትዐዴ።

ሙናድል የናሰ የማኔ፡ ክም ለጅነት ዳሰ ዲብ ባካት ሺላጆ ጸንሐኝ፡ እብ ሰበት ዓድ እት ወዴሕ። “ክም ዲመ አምዕል ሕርየትን እግል ዐዩዶት ቀደም ክልኤ ወሬሕ መዳላይ አሰብዳኝ። ሸዕብነ ኩሉ እብ ገበይ መስኦሊን መጃማዕ ሰላዲ እንዴ አትፋገረ ወሸባብ ፍረቅ ዓዳት እንዴ ዝመው ወዳሰ መዕዩ እንዴ ሸቀው ወእግሉ ለነሰቀ ዐባይ እንዴ ዝምን ዲብ እለ መናሰበት እግል ትርኡ በጽሐኝ። ለህለ እሕትፋልነ ህዬ እግል ቃልዩት አምዕል ዓድ ሕርየትን ብዝሓም ፍራሰ እንዴ ደፍዐነ ለረከብናህ እግሎም እበ ለተአፈቅድ ገበይ እንወድዩ ሰበት ህሌነ ግሩም ህለ። እለ ዓድ እለ ክል ሰነት ነይዱ እት ህሌነ ምን ኬን ሐውልዩት ለልትርኤ ቱ። እብ እስትሸሃድ ለአምጸአናህ ሕርየት ህዬ መዕነተ ወቀላየተ ዲብ አጅያል እግል አትሐላለፎት። እብለ ምን ለዐል ኩሉ ዓደድ ለትትሐሰብ አምዕል ህዬ ንኡሽነ ወዐቢን እብ እዳራት እዳራትን ዲብ ክል ዳሰ ደዋሐኝ እንዴ አመሕበርን ንትጀማዕ ሰበት ህሌነ ወሕደትን ዝያድ ለአተርድ፡ ሰባትን ዝያድ ለአደምን። ሰበት እለ ክእኒ

ዓድ እቱ እብ ሕበር እግል ንውዐል ግሩምቱ” እት ልብል እት ደንገበ “እግል እንዴ ሰብተ ለአሰበቴን ቅዋት ድፋዕነ አሰናይ ወእግል ሚርሐት ሕክሙት ወጀብህት ሸዕብዩት ዲመ ንበር እብል” ቤለ።

አሰይደ ሕርይቲ አበሰሎም፡ መስኦልት እዳራት ደዋሐ ዝገን በዱ ምዴርያት ጸጸራትታ ህተመ እብ ሰበት ዓድ ለህለ እት ወዴሕ፡ “ምን 24 ማዮ ለትዐቤ አምዕል ዓድ አለብኝ፡ የም ህዬ ዲብ 35 ሰነት ባጽሓም ሰበት ህሌነ ሰኒ



ሙናድል ካሕሳይ ኑሩሕሴን ሰነን መዕስከር ደንደን



አሰይደ ሕርይቲ አበሰሎም መስኦልት ዝገን በዱ

ወአማን ፋርሓም ሕኝ። ምን ሰነት ዲብ ሰነት ህዬ ዲብ ገማል ወሩእየት ዋድሐት እት ነሓቅቅ እንገይሰ ሰበት ህሌነ ምን እለ ለልሐይሰ ሚ ህለ። እለ ፈድል ሹሃዳነ ለረከብናህ ምኒ እንዴ ሐልፈ ውላድናመ መዕነቱ ወቂመቱ እንዴ አመረው እብ ሐበን ለዐዩዱ ህለው። የም ውላድ 35 ሰነት ባጽሓም ህለው፡ እለ ህዬ ትርድት መስኦልዩት እንዴ ወርሰው እብ ሐበን ወሰባት ዐዶም ዲብ ዐቂብ ወቅየም ደውለቶም ዲብ አሕተረምት ክም ልትሰበሎ

ጋብአም ህለው። እለ ለልአትሐብን ወለ ለልአሸንን ቱ። እብ ሕበር ዲብ ምሮ ዳሰ እንዴ ትጀመሪ ነይድ እት ህሌነ ምን ኬን አትወራረሶት አጅያል መሐበት ወውሕደት ለልሀይብናቱ” ትብል።

ሙናድልት ሓወ ሓምድ እድራሴ ምን ሰነን ጸጸራትመ ፈርሐት እብ ሰበት ዓድ እት ሸርሕ፡ “እለ ዓድ እለ ብዝሓም ፍራሰ ለደፍዐነ እቱ ዓድቱ። እለ ዓድ እለ እግል ንብጸሕ ርሐም ለሰበለው ለልአትፋቅደነ ወእቦም እት ንትሐበን ወእንሸንን ምን ሰነት ዲብ ሰነት እብ ሕበር ንዐይድ ህሌነ። ሸዕብ ኤራትርዩ ህዬ ክምኩም ወዲብ መጣዋሩ ሳብት ሰበት ቱ። እለ አምዕል እለ ህዬ ሰኒ ፈርሐት ለትህይብ ወአማንት ለተአጸውር ተ” ትብል።

ሙናድል ካሕሳይ ኑርሕሴን አድም፡ ምን ሰነን መዕስከር ደንደን ዲብ ዳሰ መዕዩ ናይ ደዋሐሁ ዓድ ዲብ ለዐይድ ረከብናህ ከእብ ሰበት ዓድ ለህለ ፈረሕ እት ወዴሕ፡ “እለ ናይ ዓድ ቴለል ሰኒ ግሩምቱ ለህለ። ምን ናይ ደፃም ናይ የም ዓመት ለገረመቱ፡ እብ ፈርሐት ወለውቀት ሕበር ነይድ ህሌነ። እብ ሕበር እንዴ ናደልነ እብ ሕበር በንዴራትነ ለሸቀልነ አዜ መ ሸዕብ ኤራትርዩ ኩሉ እብ ሕበር እለ ፈርሐት እለ ምስል ለዐይደ ህሌ፡ ሰበት እለ፡ እለ ዓድ እለ፡ እግልነ ሐበን ወወጠን ለረከብነ እቱ ዓድቱ። እለቱ ህዬ ክም ሸዕብ እብ ወሕደትን ለንትአመር ወለ ንትሐበን ለወዴነ” ልብል።

ሙናድል የማኔ ጸጋይ መስኦል ምስኩናም መዕስከር ደንደንቱ። ዲብ መዕስከር ደንደን እብ ፍንቱይ ሙናድሊን ሙስኩናም ሐርብ ኤራትርዩ ዲብ እብ ሕበር ፍሬ እስትሸሃድ ወምስክነ ለትረከበት ሕርየት እግል ዳሰ ዓድ ዲብ ለትመቃረሕ ጸንሐኝ ከእብ ሰበት ዓድ ለህሌት ፈርሐት ወሐበን ሰኩላም ዐልነ፡ “ክእኒ እሉ ትርኡቱ አዳም ፋርሕ ህሌ፡ ምስኩናም ሐርብ ህዬ ህቶም፡ ውላዶም ወዓኢለቶም እብ ሕበር ምስል ግሩም ለሓሉፋ ህለው። እለ ዓድ እለ 30 ናይ ንዳል ወ35 ሰነት ናይ ሕርየት ለሓላፍናህ ሰሙድ ወተሐዲ ለእንፈቅድ እቱ መጦር መጦሩ እትሊ ወክድ እለ ዐለምን ሱዱፋ

ለህለ መሻክል ዲብ እንርኤ ሰላም አክልአዩተ ለእንቀይሰ እቱ ሰበትቱ ለህሌት እግልነ ሰላም ክእፎ ንሓዋዋ እተ መስኦልዩት ለልአረፍዐናቱ” ልብል።

አሰይደ ደርገአለም ተስፋ-ልኦል መስኦልት እዳራት ዳሕዩት ካምቦሎተ። ከእለ ዓድ እብ ሕበር እግል ልዐዩዱ ለትሐልፈ ካድም



ሙናድል የናሰ የማነ ለጅነት ዳሰ መዕዩ ዝገን በዱ



ሙናድልት ሓወ ሓምድ ሰነን ዝገን በዱ

ወርሳለት ዳሳት መዕዩ እት ወዴሕ፡ “35ይ ሰነት ዓድ ሕርየት እግል ንዐይድ ሸዕብ ኩሉ እብ ሕበር እብ ማሉ፡ ቅውቱ ወወክዱ ምስል እንዴ ቀንጸ ሰበት ሻረክ ዲብ እለ ትበጽሐ። እለ ዓድ እለ ምስል ናይ ዳሰ መዕዩ ቀደመ-መ ናይ ካርኒቫልት ወብዕድ ነሻጣት ሸዕብ እብ ሕበር ለሻርክ እት ሰበት ገብአ ግሩም ዐለ። ለተጀምሪ ህዬ ምሮ ሸዕብ ክም ሕነ ወሸዕብነ መጦር እዳርዩት ወሕኩሙቱ ክም በዋር ወአምዕል ሕርየት እብ ፍንቱይ ለልትጸበረ ወለ ለዐይደ ክምቱ ለለርኤቱ። ምንኬን ሕሩድ እብ ሕበር ብላዕ ወሰታይ አምዕል ሕርየት እብ ዐውል ቃለ ለመጸት ክምተ እግል አሕተረምት ቱ። ቀደም እለ ሰነት እለ ናይ እስላም ወክሰታን እንዴ ትበህለ ክልኤ ሕሩድ ልዳሌ ዐለ። የም ዓመት ላኪን ዐውቱ እግል ገቢል እንዴ ትበህለ ዲብ ምሮ ድሰ ለበሽለ ምስል ክም በልዕ ጋብእ ህሌ። እለ ህዬ ተአምርተ ወሕደትናቱ። ሰበት እለ ለመትወራራሰ እብ ዐቢሁ ለምሮ መኣዲ ዲብ መትዕጋል ምን ንዳል ለጸንሐ ቅየምን ወሰዋልፍን እግል አሕተረምቱ። ወሕደትን ህዬ ዲመ ለትነበር ቱ። ዕድዋን በሐር ምን ልብሎመ በሐርን ናይነ ክምተ ወአር ክም ኢቀርበ አኪድ ቱ። ሰባትን ደማንትነ! እት እንብል እግል ንንበርቱ” ትብል።





ፈን እብ ፈን

ሐቆ 30 ሰነት ንዳል መሪር ኤሪትሮጵ ክም ተሐረረት ወእስትቅላለ እንዲ ረክበት ባንዲረተ እት ዐለም ክም ረፋ-ረፈት ለሐልፊት ክም ኢመጽኦት ሸዑብ እግል ዲድ ሕርየቱ እብ ፈረሕ ወሰኖር ለሓልፊ። እግል ወሰኖቱ ለልብሎ ሸቅል ፈን ሆይ መገረሚ ወመግመሊ ዲዱ እንዲ ወደዩ ምን ሰነት እት ሰነት እት ጠውሩ ለአቆርዮ ወለአወሰዑ ሀለ። ዮም ዓመት እት 35ይ ዲድ እስትቅላል አጀኒት ለአሻረከ ወእግል አጀኒት ለትዳለ በራምጅ ሕርየት መተቅብላይ ሰኒ ትብሰጠ እሉ። ለሄራር ብንዩት ወጠን ወወጠንዩት ለሀይክ ምን ለሀይ እት ልትከበት ለአተላልዩ ሀለ። ሙናድሊን ምን ቀዳምያም እብ ፈን ከአፎ ዐዳክ ክም ተአደሚዕ። ሸአኡብከ ክም ተአደፍእ ወሸባብከ እግል ጸገም ክም ተዐንድቅ ተዐለመው። ህቶምመ እት አሰርም እግል ቀንጸው ሸባብ እብ ሐጺን ወቀለም ከአፎ



ክም ትጸገም፡ እት ተሓርብ ከአፎ ክም ተዐምር ዐለመዎም፡ ተርፍ ሙናድሊን ወዌርሰቶም ሆይ እሎም ቶም ተርፍ ሐበን ጋብአም። እት ዲድ ሕርየት ዮም ዓመት

ለትረኤት መሻረከት አጀኒት ረውድት፡ መአንብታይት፡ ካልኣይት፡ ኩልያት፡ መዐስከር ሳወ ዐጃይብ ቱ። አሸዓር፡ ሕላይ፡ ተማሲል፡ አምር ክቱብ፡ ረሰም፡ ምህዞ ወሰናዐት፡ ክል

ጅንስ ርያደት፡ ጅግረ ማዕሉማት ዓም፡ ሚ ኢትረኤ። ክሉ ሆይ ኤሪትሮጵ ለዐል ለረፊዕ፡ እግል ዐማረ ለነዌ ወእት ዕን አባዩ ጨበል ለፌፌቱ።

ሐምዲ ለተአሰትህሎም ሆይ ለእንዲ ኢልትህከው ወንዩት እንዲ ኢልትሐጭር ክል በርናመጅ ሳፊ መተቅብላዩ ለኢለአመሸግ እንዲ ገብአ እግል ልቅረብ ለዐለመው ቶም። እግል መሰል ለዲብ ስታድዩም አሰመረ ለገብአ ረሰሚ እሕትፋል 35ይት ሰነት ሕርየት 3000 ነፊር ሻረከው እቱ። እሎም ክሎም ክል ዎሮ ለተሆቦቦ ሸቅል እንዲ ሐፍዘ ከምሰል ጸሩ እንዲ ሰምረ ኣቲ ፋግር



ምን ትደረበው (ትላመደው) ሸቅል ዕፌ ሳፊ አርአው። ሰባቶም ደማንት ብሹል ሸቅሎም ገብአ እሎም። ለዕፌ ማርሺን (ሰፍ) ዐስከሪ ለአርአውመ እግርም ኢትጌጌ ወእድሆም ክምለ መከነት ተሐርኮም ለሀሌት ዐጃይብ ዕፌ ለአርአው።



ለአለቡ ክምለ እሱት ዋቂት ለትፍዕለ ቅልውት አው ለትሰፍዩ መሶብ እንዲ ገብአው ኣፊሆም ቀድሞ እት ሀለው ለስቅራት “ሰባትን ደማንትን” እብ ሆይአተ ዲም ትቀረኤ። ሐድ ርቡዕ ሰነት ጸሓይ መረት እትን ኢቤለው፡ ጸምእነ ወተዐብነ ኢቤለው እት ጀድወል ሸቅል እንዲ ሰብተው

ለደረቡም ምን ኢተህከ ወህቶም ምን ኢመሸገውቱ። ፈን እት ዐስከርየት፡ ፈን እት ዓዳት፡ ፈን እት ዐማር ፈን እት ክሉ ጀላልቱ። አሰሩ ሆይ እት ሐንገል ነብር። ፈን እብ ፈን ዶል ልትከነን ኢቤለ። ምን ውሉድ እት ዋልዲ ልትወረሰ።

ዝክረት ሕርየት ሐቆ ...

ምን ገጽ 8 ለአተላለ
እሊ ዲብ መዳርስ ለአሰብደ ወዲብ ኩልያት ወውዛረት ወመአሰሳት ለአተላለ ወራታት ዐዩዶት፡ ለዲብ ሸዋሬክ አሰመረ ገብእ ለአሰመን ወራታት ፈን ወመትጀዋል ሸዑብ። ምን እግል እል አምዕል እል ሕሸመት ለለሀይብ ወራታት ዐለ። እሊ መጅብ ክሎም ሰካን አሰመረ ማሲ ምድር ዲብለ ዐባዩ ሸዋሬዕ እንዲ ትከረው ልጀወሎ እት ሀለው፡ ለዲብ መደት ሕክም ዋልያን ኮምብሽታቶ ልትባህል ለዐለ ወምዋዋን ኤርትራ እግል ኢልኪዱ ምኖዕ ለዐለ ሻሬዕ፡ ሐቆ ሕርየት ሻሬዕ ሕርየት እንዲ ትባህል ሸዑብ ኤሪትሮጵ እብ ሕርየት ካምለት ረአሱ እንዲ ረፍዐ ዲብ ሸንን እብ ሐበን ሸነዕ ልብል እቱ እት ሀለ ሕርየት ክም ሰሚተ ሕርየት ክምተ ሰመዕ በሲር ቱ። እብ ፍንቱይ ለንኡሽ ወድ ሕርየት ላቱ ግም ምሰል ዋልዲት ወሐው እንዲ ገብአ፡ ሕርየቱ


ለዐይድ ዲብ ሀለ ለለሐድጉ እቱ ዝክርያት ዲመ ለልትረሰዐ ኢኮን። ተቅሪር ሐጨር 24 ማዮ 2026

ዮም 24 ማዮ ለአግደ አምዕል ዲድ ሕርየትን ምን ገብአት፡ ለዐዩዶት ምን ጽብሕ ምድር እብ ክርን ወቅል ደቅድቅ ለአሰበሐ መዳሬዕ

ብሸራት አሰተብደ። አምዕል እብ ግዲደ ሆይ ክሉ ምዋዋን እግል ቃልዩት ሳዐት ዲብ ልታኬ ወዐለ። ለበርናምጅ ሳዐት 4:30 ረሰሚ

ክምሰል አሰተብደ፡ ዲብ መናሰበት ሓይሰ ርአሰ ኤሪትሮጵ አሰይድ ኢሰያስ አፊወርቂ፡ ሰብ ሰልጠት ሕክመት፡ ጀብህት ቅያደት ጄሽ፡ ዲብሎማሰዩን፡ ሚርሐት ደያነት ወእብ ኣላፍ ለልትዐለብ ሸዑብ ሓድር እቱ ዐለ። ለእብ ከሊመት ከሊመት መፈወድ ዓዳት ወርያደት ሰፊር ዘመዲ ተክሌ እንዲ ትከሰተት ሓይሰ ርአሰ ኢሰያስ አፊወርቂ ከሊመቱ ለአሰመዐ ዲብ መናሰበት ቃልዩት፡ እብ አሴራር ዐስከሪ፡ ለትፈናተ ፈን ወመዕረድ ደረሰ ጋምል አምሰ። ዲብ ክላሰተ ሆይ፡ ክሉ ጀው አሰመረ ለነወረ ሪሽታት ዲብ ልትሰከፍ ወሰካን መዲነት አሰመረ ንኡሹ ወዐቢሁ ምን ኣብያቱ እንዲ ፈግረ እግል ምን ባካት ስታድዩም አሰመረ ዲብ ዐስተር ልትሰከፍ ለዐለ ለትፈናተ ሓግር ለትሰርገ ሪሽታት ዲብ ለዐፌ ለውቀት ለገልበተ መከምከሚ ገብአ እሉ።





ድባርዋ - ጅግረ ዘበናይት ወርያደት ዓዳት ገብአት

እት ምዳርየት ድባርዋ፡ እብ መናሰበት 35ይ ዓድ እስትቅላል ኤራትርያ ጅግረ ዘበናይት ወርያደት ዓዳት ገብአት። እብ አሳሰ እሊ እት ስሑብ ሐብል፡ እዳረት ድባርዋ፡ ሀይላት ከሀረበት ድባርዋ ወመርከብ ፖሊሲ ምዳርየት ምን አወላይ አስክ ሳልሳይ ለትረተበው ቶም።

እት ጅግረ አሰቲ፡ ሚሮን ክብርም ምን ፈሪቅ ናጽነት፡ እት ጅግረ

አስክ ሳድስ ተርቲብ አሴረረው። እብ ክእሉል ንቀዋ ህዩ፡ ሙክታር ሐሰን 28 ንቅጠት፡ ሳምሶም እዮብ 27 ንቅጠት ወአቤል በረኸት 22 ንቅጠት እንዴ አስክለው ተወውተው።

አዋልድመ፡ እግለ ትዳሌት እለን 18 ኪሎምትር እብ 33 ደቂቀት እት ለአተማህ፡ ሳምራዊት ደበሳይ አወላይት አቲት። መርሃዊት ክፍሌ፡ ዮርሳሌም ማሪቆሴ ሙዚት

ምን መራብ፡ አሚናዳብ አለም ህቲመ ምን መራብ፡ ወተመስገን እያሱ ምን ምስላም አስክ ሳድሳይ ተርቲብ ለሀሊ ደረጃት ለነስአው ቶም።

እብሊ ህዩ፡ ሳይሞን ጸገዝአብ ምን ገዛላም 33 ንቅጠት እበን አወላይ ፈግር እት ሀሊ፡ 32 ወ31 ንቅጠት ለአስክለው ውላድ ፈሪቁ ናትናኤል ወያራት ደርቡ ከዋ ዐውቲ ኬደው። 110 ንቅጠት



ዕውታም አወላይ ዲቪዥን ዐጃላት ፈሪቅ ምስላም

ተወሰዋ ህዩ ህያብ ተስፋጋብር ወአቤል ተክሉአብ ምን ናዲ ደንደን ተወውተው። እተ ምን 12 ማርስ ለአንበተ ወአስክ 22 ማዮ ለአተላለ ጅግራታት ሾሊሶል፡ ፈሪቅ ዐዲ ብዝሓንሱ፡ እግል ፍረቅ አማድር ወገዛላም እንዴ መርሐ አወላይ ፈግረ።

እብ ኩረት ሰለት (ባስኬት-ቦል)ምን ፈሪቅ አዋልድ፡ ንሰር ወሲቲስታር፡ ምን ውላድ ህዩ ሲቲስታር፡ ሰዋገር ወሳንሻይን ተወውተው። ብርክቲ ኪሮስ ምን አዋልድ ወዩኤል አብረሃም ምን ውላድ ህዩ ለትወቀለ ንቀዋ ለሰጀለው እንዴ ገአው ፍንቲይ ጀዋእዝ ለነስአው ዐለው።

እምበል እሊ፡ 5 አፕሪል እንዴ አንበተ፡ እግል ሐምስ ሰነብት ለአተላለ ብድረ ዐጃላት አዋልድ ወውላድ'መ ተመ። 24 ኪሎምትር እተ ለትጃገረው ራብዓይ ዲቪዥን ምናም፡ ሄርሞን ወልዴሚካኤል፡ ቶማስ ቢንያም፡ እሴ ሰዓሬ፡ አሚናዳብ ዮናስ፡ ሚሮን ሐድጉ ወአቤል ዮሃንስ ምን አወላይ አስክ ሱሳይ ደርቡሕድ አተው።

30 ንቅጠት ለሐየበ ሄርሞን ወልዴሚካኤል ህዩ፡ 27 ንቅጠት ለአስክለለ እሴ ሰዓሬ ወ21 ንቅጠት ለጀምዐ ነቢ ሀብቶም እንዴ አጅገረ አወላይ ገብአ።

ውላድ ሳልሳይ ዲቪዥን ህዩ፡ 33 ኪሎምትር እተ ትባደረው። ምናም ሙክታር ሐሰን አወላይ እት ለአቲ፡ ናአድ ዐቅባይ፡ ሳምሶም እዮብ፡ አቤል በረከት፡ ፋንኤል እስቲፋኖስ ወኤሽን ተክለዝገ ህዩ፡ ደርቡ

ተስፋልደት፡ ሚላት ብርሃኔ ወሊድያ መርሃዊ ህዩ፡ ደርቡ ለዴሪያ ተን። እብሊ ህዩ፡ ሳምራዊት ደበሳይ እብ 42 ንቅጠት አወላይት ደረጃት እት ተሐዋዋ፡ 27 ወ19 ንቅጠት ለረክበዩ መርሃዊት ክፍሌ ወዮርሳሌም ማሪቆሴ፡ ካልአይት ወሳልሰይት ገአዮ።

መትባድረት 2ይ ዲቪዥን 54 ኪሎምትር፡ እብ 140ት ወ33 ደቂቀት አትመመው። ሄናክ ፍትሐዊ ምን ናዲ ዐጃላት ምስላም፡ ኤሽን እዮብ ምን ገዛ ሳምዛ፡ ተመስገን እዮብ ወሰነድ ሳምሶም ምን ፈሪቅ ምስላም፡ መሪሕ መሓሪ ምን ገዛ ሳምዛ፡ ክምሰልሁ መዋእል ጎይትአም ምን ምስላም ምን አወላይ አስክ ሳድሳይ አተው።

ሰነድ ሳምሶም ህዩ 34 ንቅጠት እንዴ ጀምዐ አወላይ አወልወለ። ኤሽን እዮብ እብ 22 ንቅጠት ወሚሊ ሳምሶም ምን ናዲ መራብ እብ 19 ንቅጠት፡ ደርቡ ለትረተበው ቶም። ምን ፍረቅ ህዩ፡ ምስላም 83 ንቅጠት እበን አወላይ፡ መራብ እብ 46 ንቅጠት 2ይ፡ ወገዛ ሳምዛ እብ 29 ንቅጠት ሳልሳይ።

72 ኪሎምትር እተ ለትባደረው አወላይ ዲቪዥን፡ ሰብተምበር 2025 ዲብ ባርንቶ እተ ገአ ሻምፕዮን ዐጃላት ኤራትርያ ናይ ማውንቲን ባይክ ዲቡ ዕውት ለዐለ መትባድራይ ናዲ ምስላም ናትናኤል ጸጋይ፡ እብ 2 ሳዕት ወ35 ደቂቀት አወላይ አተ። ያሬት የማኔ ምን ምስላም፡ ሳይሞን ጸገዝአብ ምን ገዛ ሳምዛ፡ ሴም ዳዊት

ለጀምዐ ናዲ ዐጃላት ምስላም ህዩ፡ ለናይ ፍረቅ ጅግረ እቲ ተወውተ። መራብ እብ 64 ወገዛላም እብ 60 ንቅጠት ህዩ ካልአይ ወሳልሳይ ለረክበው ፍረቅ ቶም።

ናትናኤል - እት ፈርወንተር ዓድ-ሕርየት ልትዐውት



ናትናኤል - እት ኢነት'ዐውቲህ

ኤርትራ መትባድራይ ዐጃላት ናዲ መቪስታር ናትናኤል ተስፋጽን፡ ለሐልፊት ሰንበት ንኢሽ 23 ማዮ እት ራብዓይት መርሐለት ጅግረ ዐጃላት ጆርስ ዲ ዱንከርክ አወላይ አተ።

ናትናኤል፡ እት ፈርወንተር 35ይ ዓድ ሕርየት ዲብ 27ይት ሰነት ተውሊደቲ ቲ - ዲብ ፈረንሰ እት ገብእ ለሀሊ ብድረ ዐጃላት፡ እግል ከሎም መትጃግራቲ እንዴ በድራ ቲ ዐውቲ ክልኤ መናሰበት ለትሰርገ። ናትናኤል እግለ 167.2 ኪሎምትር መሳፊት ለዐለት እቲ ጅግረ፡ እብ 440ት፡ ወ19 ደቂቀት አትመመዩ። እግለ ካልአይ እንዴ ገአ ለአተ ነፈር ናዲ ዲክትሎም ላቲ ስታን ዶልፍ እብ ሰለስ ካልአይ እንዴ በድራ ቲ ለትዐውተ።

ናትናኤል፡ እት ናይ ፍሌንየት ቤጫም ምን ላብሰ ለሀሊ ሎውረንስ ፒትሄ እብ ሰቦ ደቂቀት እንዴ ደንገረ ካልአይ ሀሊ። እት ናይ ሻላታ ፍሌንየትም እት ሓምሳይ ተርቲብ አቲ ሀሊ -ናትናኤል።

ዲብ እት ዮም 24 ማዮ ለዐለት ናይ ደንገበ 5ይት መርሐለት ደሀብየትመ ናትናኤል 13ይ ተርቲብ ክም ጸብጠ ሸበከት ሐብሬ ርያደት 'ስካይ' አከደት።

ፕሪመርሊግቱ'መ ወአርሰናል ካሳሰሀረሰ

ፕሪመር ሊግ እንግሊዝ ምውሰም 2025/26፡ ሰንበት ዐባይ 24 ማዮ፡ 10 ትልህዩ መዋመጦር እተ ገአት ዲብ ኢነት፡ ምን ጸባብሐ ሻምፕዮን ዮም ዓመት ክምቲ እኩድ ለዐለ ፈሪቅ አርሰናል፡ እግል ዝያድ ክልኤት ዐቅድ ለአተቃብሉ ለዐለ ካስ ትሆገሉ።

አርሰናል፡ መትጃግራቶ ማንሲቲ፡ አተላተ ምስል ቦርንግውዝ 1-1 ክም ፈግረ፡ ሻምፕዮን ክምቲ እኩድ ዐለ። ከሎም ፈተቹ ህዩ እሕትፋል ፈረሕሆም እት ወክድ ሰኒ እነቲታሙ አሰመገው። ሰንበት ህዩ፡ ለመጽአት ፍገሪት እበ ኢከሰሰ ሀረሶት ካስ ሌጠ ልታኸው ዐለው። እሊ ገዳይም መተልህዩቲ እንዴ

አትዐረፈ ምስል ክሪስታል ፓላስ ናይ ካቲመ ትልህዩሁ ለወደ አርሰናል፡ ገብርኤል ጂሰስ ወናኒ ማዳኬ እበ አተወ እሎም አግዋል፡ 2-1 ቃልብ ዐለ። ክሪስታል ፓላስ እት ሚዳኑ ኦር ጎል እብ ጅያን ማቲታ እት 88 ደቂቀት ረክበ።

እብሊ ህዩ አርሰናል እብ 85 ንቅጠት አወላይ እት ለአተምም፡ ሐቆ 22 ሰነት ካስ ፕሪመርሊግ ነሰኢ። እት ክሉ ተእሪክ ትልህዩታት ፕሪመርሊግ ህዩ እት ወቅትለ ትልህዩ እብ ግዲዱ ከርት ቀይሕ ለኢነሰኦ ወሪጎሌ ለኢትዘበጠት ዲቡ ፈሪቅ ጋብእ ሀሊ አርሰናል። አሰቶን ሺሊ 2-1 ለቃልበው ማን ሲቲ ህዩ እብ 78 ንቅጠት ካልአይ ገአ።

እብሊ ህዩ፡ ሳልሳይት፡ ራብዓይት ወሓምሳይት ደረጃት ለጸብጠ ፍረቅ ማን ዩናይትድ፡ አሰቶንሺሊ ወሊሸርፕል ምስል ሚርሐት ፍረቅ እንዴ ተዐለበው። ለመጽአ ምውሰም ርያደት እት ሀረሚት ሻምፕዮንሰ ሊግ እግል ልሻርቲ ቲ። ቦርንግውዝ ወሳንደርላንድ፡ እት ሊግ አርዲ፡ ወብራይተን ህዩ፡ እት ሊግ ኮንፈረንስ እግል ልተልሀው በክት ፍቶሕ እሎም ሀሊ።

እት 18ይ ተርቲብ ለዐለ ዌስትሃም፡ እግል ሊድስ 3-0 ልቅለብመ ድኢቲን፡ እብ ክልኤ ንቅጠት ለበድረዩ ወዲብ 17ይ ተርቲብ ለዐለ ቶተንሃም ምን ተወውተ ህዩ፡ ደርብሊ እት ዲቪዥን ድህር ክሩያም ለሀለው በርንሊይ ወዎልሸጽ ጸብዋ ሀሊ።

ዌስትሃም ሐቆ 14 ሰነት ቲ ምን ፕሪመርሊግ ግረ እት 2ይ ዲቪዥን ልትከሬ ለሀሊ። ቶተንሃም ህዩ ምን ሀጎጋይ ገጽ ተሐት ሰበት ነግሬ፡ ከሎም ፈተቹ ካስ ክምላ ነሰኢው ዕለባሙ ሀለው።

ሰለስ ለፈሪቅ እንዴ በደለው ምን 2ይ ዲቪዥን እት ፕሪመርሊግ ለዐርገ ፍረቅመ ኮሽንትራ፡ ኤፕሰዊቶ ወሃል-ሲቲ እት ገብኤ፡ እሎም'መ ጌዳን ለአለቡ ሄሳት ወዱ እስሙናም ሀለው።





ሰባትን ደማንትን!
35^{ይት} ሰነት ዓ.ድ ሕርየት



ዲዛይን & ስወር.-ታእዛዝ ኣብርሃ ኣክሊሉ ዘርእዝ ሳልኡ ዓብይልቻድር ኣብርሃም በየነ